



又廿五

正統十四年至景泰元年

廿五

國權

鹽官談遷孺木著

代宗符天建道恭仁康定隆文布武顯德崇孝景皇帝

御諱祁

天順元年正月降詔王成化十一年尊諡恭仁康定隆文

崇禎十七年七月戊子詔上尊諡符天建道恭仁康定隆文

布武顯德崇孝景皇帝廟號代宗景皇后號諡曰孝淵肅

懿貞惠晏和輔天恭聖景皇后

己巳正統十四年

九朔寅朔工在漠北居伯顏帖木兒營時見異兆不敢加

害伯顏帖木兒與也先事上甚恭也先曰中國別立皇帝

終不使皇帝還也我當立皇帝為皇帝帝之大都以南則設

宴進馬拜慶

吏科都給事中章瑾為禮部右侍郎兵部郎中項文曜刑部郎中李棠各為右侍郎大理寺右評事李茂為右寺丞都指揮僉事張輓為都督僉事專領護駕將軍

提督居庸關兵部員外郎羅通工部郎中鄧艾取蜀蜀人却守成都備艾劉裕取秦秦人却守潼關備裕及艾從劔閣緣崖躋攀而入王鎮惡乘舟溯渭至咸陽秦蜀已破而成都潼關守者猶未之知臣所障地京師後門一或失守，入旦夕耳臣編閱阨塞有口可通人馬者七十所通人不通馬者百三十

所須多方設備京師乃固又當使大臣總督軍務其權始重命通進兵部郎中

召都指揮僉事孫鏗

巡撫大同宣府右副都御史羅亨信言守備赤城堡指揮鄭謙徐福鵬鷓堡指揮姚瑄間警棄城致懷來永寧等衛倣之宜正其罪從之

許鴻臚寺序班交趾阮宗琦練標牌槍弩自效逮紫荆關都指揮僉事左能以棄關先遁也已邗曉刻木星犯進賢星

庚辰瓦刺也先遣納哈出等入奏

翰林院侍講杜寧為南京禮部右侍郎習嘉言為太常寺少

卿大理寺右寺丞蕭維禎脩撰許彬為大理寺左右少卿

山西歲運宣大糧價銀布以道梗暫停布政司

許琉球使臣蔡寧等以賜絹易蘇州紗羅紵絲

巡按直隸監察御史錢清言臨清四閘被河患上下舡皆失

利州南可濟撞園灣河令舡自此達衛下管河主事黃瓚等

議

瓦刺金星犯天江

辛巳守備居庸關都督僉事孫安鎮守山西

錦衣衛指揮同知岳謙為都指揮僉事干戶梁貴為指揮僉

事以屢使瓦刺也

吏部聽選知縣蔣忠乞贈謚故翰林院侍講劉球徵致仕副

都御史吳訥從之

壬午瓦刺納哈出口 郅王致書脫、可汗曰往通使可汗

期保太平近因讒構動兵天道惡殺當和好如舊金百銀二

百珠七珍珠百織金九龍紵絲五織金蟒龍紵絲五織金

胸背紵絲十渾金織花紵絲五素紵絲二十并琵琶箏等器至

可領也諭賜也先亦如之

令巡按御史二年受代事平如舊

王振餘黨僧錄司右覺義龔然勝道錄司右玄義王道宏錦

衣衛鎮撫周銓等被劾宥之然勝道宏降僧道銓降總旗

大同總兵官廣寧伯劉安入朝被劾下獄

巡撫山西右副都御史朱鑑上言 聖駕被留 廷傾血刺

心籲天天高叩地厚夫千金之子坐不垂堂况 皇上生

長深宮遠行不過天壽山近行不過海子裡何至舍唐虞三

代之聖謨蹈懷慈徽欽之覆轍輕為孤注親屈萬乘是何奸

邪竊美坐躄危機夫既往難追方來當謹臣恐 寇奸詭百

端去而復來取而復索節據剽掠 動數十萬却以請和

結親為名夫結親不已必索歲幣索幣不已必欲分疆以國

冢有限之物充醜 無已之求若不整兵報復殆見生靈不

安兵法有云千里趨利者蹶上將百里軍羊至今彼寇數千

里趨利兵將不蹶我軍以佚待勞反蹶上將軍豈無故哉彼

以賞罰得專其權號令得行其志父子相救兄弟相援所掠

之物皆歸私室我以賞罰必聞朝廷號令皆制監軍將佐不

和士卒無恩有所得物必解公家今以結親為繇遣使來京

一則覘我虛實以報彼前一則通我達軍以圖內應既假送
駕為名姑得開關迎接我欲出兵抗拒彼則指駕為詞其謀
既深我慮宜遠宜急擇將練兵暫停中貴監軍假以生殺賞
罰重整散漫之兵復募壯勇之士罄奸邪之積發太倉之陳
重懸賞格厚酬爵祿惟圖功成勿惜國費給賞我軍勝餽外
寇再徵勤王之兵名為復仇之舉指日刻期夾攻並進也先
如果送駕結好實未可喜虛愈當防宜使收歸胡黨招回
游騎令我軍民出作入息令我牛羊朝放暮還省去人馬飲
止甲兵單人單騎以來送駕仍令驍將擁兵居庸以慎防守

暫且苟安於今日再行整計於來年臣又切見太監王振毒
亂天下震驚神器自江南草寇生發皆以誅振為名自侍講
劉球之死中外以殺諫官為諱古云事歸朝廷則治宦官則
亡史冊所載理必不誣為厲之階莫甚於此經曰開國承家
小人用勿傳曰小人之使為國家災害並至誠哉是言可不
慎與高皇帝與群臣議事必屏去左右恐泄事機有妨國
政書曰監于先王成憲其永無愆詩曰儀式刑文王之典日
靖四方伏望聖母陛下邠王殺下念祖宗開創之
勞將相披臥之苦置此多方欲傳萬世張主維持急立儲君

選智勇託忠義開直言杜權勢軍國重事委重大臣早革內
侍之權再造中興之業雪前耻以圖後功 邠王嘉納之
南京翰林院侍講學士周叙上安邦謹始一事勵剛明親經
史脩軍政選賢才安民心廣言路謹徹漸脩庶政 王嘉納
之

夜天再鳴

癸未 上在漢北 邠王即皇帝位 尊 上為太上皇帝

詔曰朕以 皇考宣宗章皇帝仲子奉藩京師以寇犯邊大

兄皇帝悲禍延宗社不得已親征勅躬躬率百官居守不棄

車駕悞陷 廷我 聖母皇太后務慰臣民之望已立 皇

庶長子見深為皇太子令躬躬輔代總國政皇親公侯伯暨

在廷文武群臣軍民耆老四夷朝使復以天位久虛神器無

主人心皇 莫之底定合 辭上請蚤定大計 皇太后以太

子幼冲未遽理萬幾移命躬躬君臨天下會有還自 中口

宣大兄皇帝詔肯宗廟之禮不可久曠朕弟 邠王年長且

賢其令繼統奉祀顧痛恨之方殷豈遵承之遽忍雖避讓再

三而俞允莫獲仰惟付託之至重敢以涼薄而遽辭已九月

六日祇告天地宗廟社稷即皇帝位遣使詣 問安上 大

元皇帝薄號太上皇帝徐圖迎復為政之道必先正始其以
明年為景泰元年大赦天下咸與維新一切合行事宜條示
於後云於戲惟敬仁誠可以安宗社惟恭儉勤可以惠萬
民尚賴宗室協心藩屏爰暨中外文武賢臣同德匡輔弘濟
重大之艱永隆雍熙之治部
廣西道監察御史郟縣李著上啟爭其不可自稱下官上
曰御史醉耶著對曰下官正言被殺著由監生天順初賜祭
塋初家人欲塋之柩不可遷及諭祭乃可遷
遣內臣奉叔祖岷王棟書致三百金紵絲紗羅各十錦五鈔

二萬貫

甲申順天府丞夏衡為太僕寺卿中書舍人陳學王謙蔣宏
徐瑛俱為翰林院編脩仍內閣供奉

召遼東都指揮范廣山東都指揮俞寧往備紫荆關
減四川運茶之半

乙酉勅定州衛安置廣義伯吳玘指揮使王貴誠吳瑛約束
遼軍進貴都指揮俞寧
塞鴈門關支徑

三萬餘騎犯遼東破驛堡屯庄八十據萬二千二百八十

餘人馬六十餘牛羊二萬餘提督軍務左都御史王翱總兵
官都督曹義俱奪祿半年

守備永寧衛奉御阮葵以棄城謫南苑種菜
夜月犯壘壁陣西星

丙戌邸府左長史儀銘為禮部左侍郎

作兵仗戰車增工部官員外郎張忠為郎中通判韓鐸張亨
副兵馬指揮張遜按察司經歷陳信知縣丘繼任忠吳復俱
為主事

趙王瞻塙求領軍迎暉 上書止之

鎮守大同太監郭敬下獄初敬厚王振歲獲藏鉄箭遺也先
受其賂至是潛回京罪之

兵部言山西按察僉事黃文政奏「出沒馬邑縣甚衆指揮
石虎領三千騎自代州外逐都指揮孔旺等領三千騎自鴈
門內勦宜促虎旺亟令兵協力從之

鎮守山西都督僉事孫安言「昨親征成龍門衛進士張鑑奏
駐驛宣府但遣將逐」設用其言詎有今日之禍命召鑑試
百戶赴楊洪行營

福建各衛闕伍令罪人補之

昏刻木星犯房宿

戊子邸府審理俞綱為太僕寺少卿伴讀章文為太常寺丞
俞山為鴻臚寺左寺丞

府軍衛指揮僉事石彪為指揮同知

吏部聽選知縣單字請革太監監軍不聽

國子監生姚顯上言朝廷脩大興隆寺侈極壯麗又崇國寺

楊禪師尊為上師儀從同於王者自此天災屢見胡「犯邊

太上皇帝被留「廷國師僧衆談笑自若宜令上師前往「

廷化諭也先送駕還京庶見佛力不然則佛不足敬明矣

今後再不宜崇尚實萬代之法 上是之顯貢士歷齊東武

城知縣嘗與咸寧李錦交砥互礪俱成名儒錦終松江同知

談遷曰閔中馮從吾紀景泰五年四月 上初幸大隆福

寺姚顯言王振脩大興隆寺車駕不時臨幸佛本夷狄信

佛得禍梁武帝足鑒攷史無諫隆福之事以初年脩大興

隆寺悞移之耳

已丑裁邸府長史司

禮部以 皇工嗣位改元宜天下文武正官俱十二月終赴

京 上曰天下多事其免之

作戰車千輛

秦府宜川王志操薨

提督居庸關巡守都指揮同知楊俊奉命拾土木遺器得盈
六千有奇甲五千八十有奇神槍一萬一千有奇神銃六百
有奇

夜月犯外屏

庚寅鞏昌知府韓福為右僉都御史叅贊學夏軍務
免夏縣災租

令總兵邊報下巡按御史按察司核奏

宣府總兵昌平伯楊洪拾土木遺器盈三千八百有奇甲百

二十圍牌二百九十神銃二萬二千有奇神箭四十四萬砲

六百

處州賊受撫命總兵官都指揮僉事徐恭等班師

高岱曰張楷初奉命討閩賊耳處賊道梗以守臣言移師

討之未為不當但楷本非封疆之臣而值茲習坎之難在

陳榮死楷不暇顧輒棄去入閩蓋幾於進退失據矣及閩

寇平還師討處入境一戰乘勝而捷至不得已而用招撫

之策使屢遣而不以為瀆寇屢叛而不以為嫌楷老母百

口與之誓而不以為辱國體亦少損哉雖然幸楷之至也
使鄧寇更數月不下楷不得還師入處浙之存亡未可知
也

都督同知毛福壽為左軍左都督都督僉事高禮為都督同
知
辛卯真定衛指揮僉事孫昇邀於倒馬關死之時寇聞欲
向龍泉關西去昇擊之踰舊嶺卒值陣沒
壬辰勅宣府總兵官昌平伯楊洪等戒以假
太上皇到
塞脅關毋墮其計

大同副總兵都督同知郭登為征西前將軍總兵官仍鎮守
大同

癸巳浙江按察使軒輅為右副都御史鎮守浙江

錦衣衛指揮使李鑑為署都指揮僉事往貴州勦賊

都指揮僉事李鐸以皇太后貂裘等詣太上皇漢北報

邸王即位及立皇太子上皇聞之喜

上奉
上皇斷頭山故得賞賜有德中國之心其送上
皇也第欲得漢物無他意中國慮點不敢信既扣諸關無
所入乃奉駕以北上皇在難無阻怯之容隱處幄居時時

見徵表也先故益恭謹而我雖不納一衆往來遣使亦不絕也

甲午勅諭文武群臣務秉公廉恪勤乃職民間一應軍需造作及輸錢糧布帛紙札藥材解送軍因即時收遣毋勒索需滯

諭祭土木陣沒官軍并痊其骸

起復南京大理寺卿陳勉

都指揮僉事孫鐘為左軍都督僉事仍三千營把總直宿衛召廣西總兵官安遠侯柳溥

左軍都督毛福壽往雲貴勦寇請選東昌平山德州河間等

衛胡騎從征從之都指揮使克俄羅領占為都督僉事餘各進一級

大理寺右少卿張驥卒於富陽驥字仲德安化人由貢士

授御史正統辛酉清獄福建釋冤幾千人壬戌署大理寺事

尋進右寺丞乙丑巡撫山東拯災蠲逋復設曹州便民還進

右少卿又巡撫山東淮揚戊辰南征鎮守浙江事平召還剛

毅有才尤廉慎足稱也

乙未廣東總兵官張安福都指揮僉事王清授廣州值賦於

舡澳安醉臥舟中官兵不能支潰於沙角安溺死清被執便
跪呼廣沙門千戶錢惠登埤署之賊移清臨他所呼如前惠
射之賊遂殺清賊初無器械至是得火槍等器械甚
賜南京守備及各鎮守總兵等金幣
丙申工科給事中張敏為工部右侍郎翰林院侍講劉鉉為
侍講學士

右副都御史曹翼致仕

都指揮使田真為都督僉事征蠻將軍總兵官都指揮僉事
武毅為都指揮使充叅將鎮守廣西

許京衛優給優養官回原籍支俸其南京者俸折銀布罷遣
醫士厨役天文生老曠者減幼軍力士等月餉

通事指揮李讓以女許也先弟大同王子受也先馬四匹俘

婦二人納各城指揮姓名又假上皇命大同總兵官都督

同知郭登見也先且割地登留讓以聞右副都御史朱鑑奏

也先授讓知院鎮守大同讓導也先矯上皇勅青皇上

篡立下兵部議誅之或激變徵之或奔竄宜登衆處從之

曉刻月犯五車

丁酉都指揮僉事徐恭為右都督僉事專理漕運都督同知

武興領神機營

命京邊署職都指揮以上俱實授

吏部聽選知縣單宇請析寺觀木石改造軍衛銷其銅鉄備

兵伏遣僧尼還俗下禮部議

戊戌廣西布政司右叅政謝澤為通政使提督守備白洋口

起復山東按察僉事何自學

戶部郎中李秉往鳳陽淮安廬楊徐和提督糧儲赴京

南海盜黃蕭養作亂命廣東三司捕之蕭養貌寢而眇多智

略劫敗下都司獄踰歲所臥竹床漸青至萌葉同獄某異之

教以兵遂藏斧燭鷲中夜破械出衆囚劫軍器局得兵仗奪

門招集亡命屯南海之潘村

己亥停各處清軍御史

領三千營忻城伯趙榮急玩下獄都督僉事孫鐘代之

上皇北行

庚子起復監察御史蔡愈濟等給事中路璧等左布政使吳

揚左叅政董和右叅政高峻右叅議秦岳趙紳趙忠按察使

李彛僉事彭貫

罷獨石守備都指揮楊俊

通州把總都指揮僉事陳信鎮守通州提調武清等衛
辛丑勅邊將募壯士更衣甲旗幟異舊制恐溷於

兵科給事中孫祥兵部郎中羅通俱為右副都御史通守居
庸關祥守紫荆關

翰林院編脩陳文為侍講檢討李紹為脩撰

都指揮使昌英為後軍都督僉事都指揮僉事衛穎韓青為

都指揮同知

進士王汝霖為吏科給事中

錦衣衛小旗陳喜同還自瓦剌言脫王不花以萬人犯廣寧

回野猪口約太師也先知院阿刺知院納來攻京師授喜同

百戶

宣府總兵官昌平伯楊洪言都指揮李鐸報也先薄我賞云送駕入

京須文武大臣出迎不日至大同

曉刻月犯太微垣上將星

壬寅都督僉事陳友為都督同知選南京兵千人赴靖遠伯

王驥行營

福建都指揮僉事鄒安失事謫柳州衛中戶千所鎮撫

都指揮僉事衛穎范廣為署後軍都督僉事

尾刺使臣納哈出等來朝

各道監察御史秦顯等言五事合衆善以理萬機選大臣以
總邊務嚴號令以作士氣別奸忠以振士風用直言以圖實
效從之

南京刑部獄逸

夜金土火星集於翼宿曉刻火星犯太微垣左執法

癸卯戶部右侍郎孟鑑巡撫廣東

金吾右衛都指揮僉事李鐸為都指揮同知錦衣衛千戶梁

泰為指揮僉事各賜鈔幣

留都督僉事劉得新鎮守處州尋進都督同知

通政司左通政呂爰正致仕

甲辰戶部主事陳汝言宣諭東昌平山德州河間瀋陽中屯

大同中屯各衛降胡官軍民各二金布二匹

監察御史白圭李賓夏裕及翰林院侍講徐程編脩楊鼎檢

討王玉郎中謝佑陳金主事王偉姚龍給事中金達王庾知

州陳誠汪庭訓蘓璟俱行監察御史事徃直隸山東山西河

南募兵訓練

起王通中軍都督僉事提督守備九門故成山都指揮同知

侯割爵

劉信為署後軍都督僉事

後軍都督同知陳友率官軍往湖廣貴州征苗

調京軍二千人守古北口五千人守紫荆關

禮部右侍郎章瑾被劾下獄降

南京右副都御史張純言十三事迎復聖駕開廣言路分兵

耀武考察文官激勸武職禁葺倉弊弭除盜賊拔擢舊臣選

任風憲旁求豪傑增祿養廉酌漕運練將訓兵上從之

曉刻月與金星同度

己巳都指揮同知季鐸為都指揮使起居太上皇告即位

及立皇太子 上奉 太上皇書 若送駕來可五七騎

擁衆大入則不敢許 大兄還居天位無所不可但恐降尊

就卑他日非所以正名又致書也先也先曰明立皇帝矣終

無和意復往迫擾令彼南遷取我故元大都不亦善乎

鎮守居庸關都指揮同知趙政請運近地糧草入關其遠者

焚之勿資寇從之

丙午調四川兵一萬雲南兵二萬赴貴州時苗圍平越衛久

矣

錄王振罪榜天下

命採毒藥傳矢從太醫院醫士程禮之言

黃蕭養等寇廣州廣東布政司 叅議楊信民時守白羊口

命同鎮守雷廉安鄉伯張安備倭都指揮杜信等勦之

鎮守山海永平總兵官應城伯孫傑免指揮同知宗勝為後

軍都督僉事代之

慶王秩隆乞徙鳳翔不許

作劫營信牌給武清侯石亨募壯士千人伏居庸關西山俟

十戌申朔 上皇在漠北

詔赦福建浙江湖廣廣東貴州遺賊

賑大同軍民

上擁 上皇至大同東門也先遣侍知院及太監喜寧通事指

揮岳謙稱還蹕謙察言其狡大同知府霍瑄自水竄出謁獻

鷺酒 上皇怒曰汝第與郭登固守毋開門

己酉吏部右侍郎曹義為左侍郎

署鴻臚寺事禮部左侍郎楊善改右副都御史同都督王通

提督守備京城

廣東布政司左叅議楊信民為左僉都御史勦廣東賊

山東河南右布政使萬觀年富為河南左布政使
增兵二千戍密雲

貴鎮守山西都督僉事孫安巡撫右副都御史朱鑑巡邊

定通州京師邊衛運米例

大庾人孫富李俊作亂富被擒獄死俊攻南安被誅

誅御馬監少監跛兒干跛兒干本降胡從土木即助射內

使黎定至是來使多需索

庚戌右都御史陳鎰為左都御史

按察副使陳詔為左

僉都御史

湖廣左叅議侯復丁鏞脩撰裴綸為山西河南山東右布政

使

作賞功牌分奇功首功齊力三則主以文臣

上皇轉至陽和陽和守將進牛羊酒閉門不敢納

辛亥都督僉事劉德新為都督同知

國子監生練綱言「留聖駕索金帛效金人以沐宗待我今

日固非宋室可比然求如神師道李綱輩不多見人心依賴

係國家安危惟兵部尚書于謙武清伯石亨宜勅其堅守中

軍遣將分戰又擇宗室親王會鎮守官募義士大舉入援文

武群臣敢議和勸南遷者已誅之勿留悞國上深納之
擁上皇至紫荆關喜寧語曰大同陽和不納今可從
紫荆關深入以窺京師次關北右副都御史孫祥遣指揮劉
深出謁岳謙語深曰此三萬精騎止二萬又二萬入古北
口

三萬騎過順聖川洪州堡欲犯京師

夜狼星動搖

壬子蔣琬嗣定西侯蔣貴孫父義足疾故

釋忻城伯趙榮

魏國公徐承宗掌前軍都督府

右都督劉聚右僉都御史張楷免初聚楷入建寧城日觴咏

且索府衛金帛聞鄧茂七死始進延平檄諭賊時無聚印易

疑偽作征夷將軍印妄報子應麟及蒼頭功命討浙寇妄報

賊平至是還朝被劾

致書宗室諸王曰入關京城危急願念宗社為重命將率

兵星馳勤王期在旬月仍自鎮靜固守藩疆

鎮南王徽燥偏叛苗求內徙止之

陝西右布政使王暹為右副都御史

兵部郎中龔永吉為大理寺右少卿仍督理王驥軍務
進士方輔為兵科給事中

京衛帶俸都指揮僉事陶瑾為署都督僉事

癸丑 上召文武大臣議禦 遂選萬六千人給五千騎以

都督僉事孫鏜充總兵官高禮充左副總兵往紫荆關右僉

都御史段信都指揮僉事姚麟等將真定保定民兵入城進

鏜右都督王通都督同知楊壽都指揮同知又選兵二萬益

陳鑑一萬益都督毛福壽陶瑾一萬策應將發聞 入關遂

屯都城南時 聲言還蹕朝議如沸多主款兵部尚書于謙

獨抗言曰社稷為重君為輕戒逸將毋中 翰林侍講徐理

好言天象入對言紫微中宮皆有變宜及南都太監金英叱

之諸臣相軋未定多遣其私重歸謙慟哭廷諍曰京師天下

本宗廟社稷山陵寧此百官萬姓帑藏庫庾萃此 而不守

去欲安之今日足一勤明日大事去矣且 乘勝驕實不足

畏也 上善之曰其聽謙處分金英宣於眾曰死則君臣同

耳有議遷者 上誅之無赦於是朝議始一

延平盜仍恣掠勅梁瑄范雄薛希理督兵民捕之

二十騎寇蕭州官軍擊卻之

夜大星赤光燭地自三師涿少弼尾化蒼白氣狀如五尺蛇
徐、西行

甲寅南京兵部一侍郎徐琦為尚書仍參贊機務工部右侍
郎陳恭為尚書仍督理柴炭 僉都御史雷深為右副都御
史兵部武選郎中鄒幹為右侍郎薛瑄為大理寺右寺丞

左軍署都督僉事陶瑾實授都督僉事錦衣衛指揮同知劉
源為指揮使再濟師一萬瑾領之

都督同知劉得新掌左府兼領三千營

勅鎮守陝西興安侯徐亨等調萬四千四百人赴寧夏

乙卯都督同知武興為右都督

勅兵部尚書于謙提督各營謙身屯德勝門外及闔門泣誓

將士皆感奮見兵二十二萬軍威而整

宥廣寧伯劉安鎮遠侯顧興祖右都督劉聚俱充副總兵官

命諸將分陳九門總兵官武清伯石亨則德勝門都督僉事

陶瑾則安定門廣寧伯劉安則東直門武進伯朱瑛則朝陽

門都督劉聚則西直門顧興祖則阜城門都指揮僉事李端

則正陽門都督劉得新則崇文門都指揮湯節則宣武門皆

受石亨節制勅亨及左右副總兵署都督僉事范廣都督武

興戰守務出萬全

彭城衛帶俸都指揮僉事雷通為都指揮同知協守紫荆關

守備紫荆關按察使曹泰往倒馬關提督守備

丙辰吳瑾嗣恭順侯克忠子

兵馬司議鼓都門外民居便屯兵科給事中李震言搖動

人心止之

廢吉士曹鼎霍榮喬毅為給事中國子監丞潘洪

鄒達

謝瑄陳全為監察御史

刑部右侍郎江淵參贊孫鍾軍務

免全椒災租千餘石

勅甲士出城時士帶甲纜十之一吏科給事中程信戶科給

事中王竑同都督王通右副都御史楊善提督軍務城守

提督守備紫荆關左副都御史孫祥拒喜寧導自間道

夾攻闕破殺都指揮韓清等祥走免夜乘勝陷城孫祥巷

戰死時戶科給事中葉盛悞劾祥棄城逃遁踰月脩關按察

使曹泰得屍於戰所焚之不以聞祥弟祺白其枉下巡按御

史覈實賜其家五金彩幣二

丁巳上告警郊廟

命宣府總兵官楊洪兵二萬遼東副總兵焦禮施聚將兵三萬人援從吏科給事中姚夔之言

廣吉王劉清為兵科給事中

譚裕嗣新寧伯譚璟子

駙馬都尉焦敬巡視皇城

勅巡撫山東山西河南都御史洪英朱鑑王來王文及直隸

山東山西河南分守監察御史金達謝佑王偉陳金姚龍陳

誠汪庭訓蘇璟徐理王玉楊鼎李賓夏裕白圭王庾各收保

人畜入城率所選官軍民兵勤王

奉旨上皇過易州次良鄉父老獻茶果羊酒

戊午次蘆溝橋果園署官獻果品上皇奉皇太后及

上書又諭文武群臣俾固守頃之遣岳謙與使納哈出答

語彰武門外門軍擊殺謙納哈出奔還也先遂列陣西直門

外上皇御幄止安定門外都督高禮毛福壽戰彰義門北

殺賊三百人擒一人勅石亨于謙屯演武場都指揮而下不

用命者斬以狗太監興安李永昌同亨謙等整理軍務

大寧都指揮僉事姚麟為都指揮同知鎮守廣東平山衛帶

俸都指揮僉事趙瑄調大寧

黃蕭養等攻圍廣州月餘遣監察御史李璿調廣西兵勅巡
撫江西侍郎楊寧調二千人援之

入涑水

時議城外積芻戶科給事中李侃言不能持久勿輕燬從

之

己未

上皇土城邀大臣迎上疑焉以通政司左叅

議王復為右通政中書舍人趙榮為太常寺少卿賚勅出謁

進羊酒諸物也先伯顏帖木兒擐甲胄屬弓矢取勅視書

上皇帶刀取勅視漢書上皇曰大臣何不來也先曰問是

皆何官上皇曰庶臣也也先曰大臣不迎而使庶臣乎

上皇曰爾歸則使于謙石亨王直胡濙來復榮反命下廷議

言謙等國所伏竟不遣謙謝曰君忘臣之不才使臣司馬

司馬知戰臣知死壘

永平衛指揮僉事胡鏞為都指揮僉事充左叅將協守

鎮撫薛斌以二十三人劫營殺一人奪所掠千人陞賞有

差

徵官民鞍馬甲胄償其直

欽天監正彭德清獄死仍斬首德清黨王振匿災異從征又

不擇地

蔚州靈丘廣昌奸人乘警劫逃民下巡撫朱鑑招之

是日雨雪夜大風雷

庚申戶科給事中王竑為右僉都御史

前軍帶俸都督同知王敬為右都督羽林前衛帶俸都指揮

僉事王勇為前軍帶俸都督僉事

勅巡撫永平右僉都御史鄒來學左叅將胡鏞以兵二萬人

援

指揮同知石彪都指揮孔旺等率兵勦涿州賊又徵朝鮮野

人女直合遼東兵夾擊

召山東署指揮僉事魏忠平山衛指揮僉事女英濟寧衛署

指揮使陳忠濟寧左衛指揮使趙輔旗手衛指揮同知徐海

錦衣衛百戶張真下石亨試擢

戶部郎中汪濬徵陝西河州等衛土軍入援

教騎覘德勝門于謙石亨伏兵於兩旁空舍先教騎迎敵

佯北萬餘追我伏發神砲火器擊敗之都督孫鏜戰西直

門斬先鋒數人逐之益圍鏜力戰都督高禮中丞天亨

分兵往引卻

夜月暈掩奎壁婁三宿

辛酉朱瑛嗣武進伯朱冕子

命都督王敬武興都指揮王勇擊彰義門右僉都御史王

竑提督軍務赴毛福壽高禮行營合孫鏜勅福壽等塞京城外

西南街巷要路伏神銃短槍

嚴京城夜禁

都督王敬武興戰彰義門外以神銃擊卻一俄報効內官數

百騎突出陣亂一乘之而敗逐至土城興中深矢死居民升

屋擲一磚王竑毛福壽授之一遁

勅提督居庸關守備右副都御史羅通等盡以趙攻楊俊兵

入援

是日外一攻居庸關官軍擊卻之

壬戌一擁上皇出土城自良鄉而西散掠畿內

書止安塞王秩吳真寧王秩熒山陰王遜熇安化王秩煇內

徙一致書太師也先曰太師且奉朕兄歸意良厚顧部下多剽掠

朕所以發兵備他盜耳太師如戢兵以教騎護衛上皇朕

亦遣數騎迎彼此解甲相和好固朕志也復勅知院伯顏帖

木見曰朕兄在營知院供具無關敬謝知院

封石亨武清侯進于謙少保亨追「清風店」畏亨亨使謀者詔之是假亨名耳「信而攻

我亨率從子彪奮擊刀斧交下殺百人始悟亨在營亂相

踐亨悉銳乘之稍棄所掠餌我而遁

約論曰方正統時國家適熙宣長裕之後中國全盛乃

戰一跌而輿師輻解回亘古未有也少保用而生民有主

社稷有輔廟勝宸略百全無忤不移時而補天回日之功

卓然亦亘古無是哉語曰安危視所任又曰成敗以謀易

於反掌信矣

大理寺右少卿許彬為太常寺少卿兼翰林院待詔仍譯書

庶吉士成章進士李錫俱為戶科給事中

錦衣衛指揮僉事呂貴為署都指揮僉事代高禮同毛福壽

擊

增各城兵馬指揮十人時太子太保吏部尚書王直言城外

關廂居民自團聚詰盜故增官轄束之

尚寶司丞夏垣奏募死士持長刀巨斧并砲夜襲營彼覺

則砲驚之俾夜不得息驟進則擊仍伏兵防其追上是之

起復南京工部右侍郎吳政少則合擊又榜

吏科給事中程信言號令嚴明衆則堅

諭軍民官舍工匠等勇敢應募有功例賞七功事畢聽回
似南行乞調山東河南援兵道支衣甲於真定保定河間
立營拒勦上是之
也先與伯顏帖木兒大同王謀送太工皇出紫荆自往攻
居庸居庸不守即迎立太上皇還入京師而曰中朝大臣無
一人出迎駕但隨皇帝者皆歸於是獨袁彬與通事哈銘
隨駕

癸亥右副都御史羅通吏部侍郎曹義禮都侍郎儀銘工部
侍郎張敏右通政欒輝大理寺丞薛瑄太常寺少卿習嘉言
鴻臚寺丞張翔太僕寺少卿俞綱分守九門時霄遁京師
猶戒嚴

至居庸關都指揮楊俊擊斬六級獲馬百二十
勇士有出戰私匿者命石亨斬以徇

擁工皇過易州也先先行駕後失所向袁彬大哭家有
老母不得歸哈銘曰兄切勿言至尊猶在此我輩草木沙土
也又何足道上皇令銘控馬左右行過溝河山崖銘下馬
掖持

昏刻西南赤黑氣如燭須臾化蒼白氣六道北至中天而散

甲子進士鄭和趙蕃楊紹江真知縣楊壽劉豫張禎董英監
生馮敬立遼韓文陸楨陳安俱為戶部主事專理京師各門
預備糧儲

伯顏帖木兒大同王來護太上皇道見曰太師誠心送

皇帝回京今另立皇帝諸臣卑背德不一出見故太師怒而
西還今欲到陽和使臣送皇帝從居庸以歸母令皇帝

望見京師思念皇太后萬一念皇太后病悸至有不可
知乃使我留惡在萬世也晚至紫荆關卒劉嬖兒取水煮飯
銘烹肉納葦囊備饑

乙丑出紫荆哈銘請過視其親上皇曰如何舍我銘曰銘

死不敢他次渾河

曉刻火星犯進賢

丙寅進士姚哲徐瑄監生陳獻練綱趙縉武聰鄭銘孟陽瓌

婁白瑛為監察御史

出御馬監馬駕戰車

上皇次蔚州

丁卯河間通判萬安為同知

故翰林院侍講劉球贈翰林院學士謚忠愍故永豐知縣鄧

顯贈光祿寺少卿謚恭毅各賜立祠
止諸王及永平連東等援兵

迺北脫、不花王遣使來朝太子太傅禮部尚書兼翰林院
學士陳循等言宜受使以間也先從之禮使者加等
中外官民各進駝馬備陣賜鈔幣

戊辰復楊思恭長清知縣食正六品俸

召昌平伯楊洪

上皇次順聖川

已巳長陵衛指揮使廖鏞奏「犯山陵大殺掠

夜大星青白光自天廟添屏星光燭地五小星隨之

上皇次陽和也先已攻居庸不下喜寧曰太師云於此送駕

矣忠勇伯把台蔣信曰太師又謂於此送駕是輕也意欲奉

太皇上至其營還求中朝使臣來迎乃成禮耳把台與喜寧皆

胡人故能得「意然把台多所擁護而喜寧好生事時時為

「畫計亦數桀驁上皇前無能罪也

庚午工部主事張溥為「侍郎

實授范廣都督僉事

遺「三百騎留涿州遣范廣擊之
餘黨藏易州涑水諸山中

恣掠

上皇出陽和西行大雪次猫兒庄

辛未勅昌平伯楊洪右都督孫鏜都督僉事范廣陶瑾都指揮張義陳友劉聚以兵五萬分道追易州洪充總兵官范廣左副總兵瑾友義聚俱叅將

命遺械送官者賞之

上皇發猫兒庄

壬申畿內降胡乘警多胡服恣劫命官軍獲之斬以徇

楊俊實授都督僉事

楊洪等敗霸州奪回所掠人畜無數

誅蔚州左衛指揮使魏真以臨陣逃避也

上皇往威寧海子東岍

癸酉勅右副都御史王暹存恤順天昌平等難民許自編伍

勦賊免雜徭三年

勅薊鎮總兵官宗勝以選銳五千付右僉都御史鄒來學都

指揮僉事胡鏞赴京追上

徙即墨縣陰島社人於陳馬庄時倭出沒海中慮其登陸

甲戌脩獻陵景陵供器

戶部右侍郎沈翼兵部右侍郎鄒幹同都指揮湯節督理運

舡

上皇至，營哈銘為帳，有一人欲殺銘，竟已。

乙亥，勅止廣通王徽、燁、陽。

翰林院起，至曰，有山上，嘉納，以此。

都指揮僉事李端鎮守天

劉本瀾

塞，居庸關西支徑。

前江寧主簿王冕言：南京馬快舡供送官物，一舡散載十餘

舡，私攬客貨，令後京師易辦之物，不必遠取，舡朽，停造，舟人

補伍，下工部行之。

翰林院侍講劉定之上言：自古夷狄之禍，未有盛今日者。古

如晉懷愍之陷，匈奴；宋徽欽之陷，女直；皆因邊塞外破，藩鎮

內潰，救援不集，播遷無所未有。若今日，全盛天下，數十萬衆

奉^皇上，漠外委以與^皇者也。至於晉宋既遭蒙塵之後，元帝

繼統，高宗嗣服，皆棄故都，安一隅，然尚能奮既衰之勢，禦方

張之敵，使劉曜、石勒歛虐，蹙而不入，梓宮韋后因講和而來。

歸，未有今日全盛天下，數十萬衆也。先乘勝直抵京師，聽自

去來者也。蓋國勢之弱，雖非陛下所能遽使之強，然豈可

不思自強之術？臣無知曉，敢陳所見。臣以為宜講戰陣，審守

禦，慎行人散降，胡練兵，撫民，擇將材，明賞罰，而厚脩主德焉。

舡

上皇至，營哈銘為帳，有一人欲殺銘，竟已。

乙亥，勅止廣通王徽、燁、陽宗王徽、燭赴京。

都指揮僉事李端鎮守天津三衛。

塞居庸關西支徑。

前江寧主簿王冕言：南京馬快舡供送官物，一舡散載十餘。

舡私攬客貨，今後京師易辦之物，不必遠取舡朽，停造舟人。

補伍下工部行之。

翰林院侍講劉昺之上言：自古夷狄之禍，未有盛今日者。古

如晉懷愍之陷，匈奴宋徽欽之陷，女直皆因邊塞外破藩鎮。

內潰，救援不集，播遷無所未有。若今日全盛天下，數十萬衆

奉^皇上漠外，委以與^皇者也。至於晉宋既遭蒙塵之後，元帝

繼統高宗嗣服，皆棄故都，安一隅，然尚能奮既衰之勢，禦方

張之敵，使劉曜石勒歛虐，蹙而不入，梓宮韋后因講和而來。

歸，未有今日全盛天下，數十萬衆也。先乘勝直抵京師，聽自

去來者也。蓋國勢之弱，雖非陛下所能遠使之強，然豈可

不思自強之術？臣無知曉，敢陳所見。臣以為宜講戰陣，審守

禦慎，行人散降，胡練兵撫民，擇將材，明賞罰，而厚脩主德焉。

臣觀昨者之戰但知閉營堅壁託為持重而不能出奇盡力
用收捷勝甚至前隊敗而後隊不救左哨出而右哨不隨軍
倣宋吳玠吳玠兄弟三疊陣法前一行盾躡伏以俟其陣最
低前二行矛戟大鎗立陣以俟其陣稍高後一行騎兵弓矢
其陣最高使勢得相援力得相救又騎奔竄唐突制之必
資刀斧昔郭子儀破安祿山胡騎八萬用千人執長刀如牆
而進韓世忠破金「楊子馬用五百人執長斧工砍人腦下
砍馬足由此言之刀斧之揮霍便捷優於大鎗之遲緩趙趙
也臣觀紫荆居庸等關名為關塞實則坦途「騎比來若風

驅霧蓋兵士寡弱亭障缺敗蹊隊疎漏非一日已增兵士繕

亭障塞蹊隊畫地守之因其陸地則縱橫掘塹名曰地網目
其水泉則過坎停蓄名曰水櫃或多植榆柳以制奔突或多
招土兵以助官軍此今日事也亦古人之已事也傳說曰事
不師古匪說攸聞故古可師也若夫奉使之臣往時充以譯
人駟夫招釁起戎職此之故今後正使宜用文武賢臣介紹
之選以令通敏之士昔漢文帝屈趙佗遣陸賈宋仁宗結契
丹使富弼伸威脩德鮮有敗事此亦古人事也何以謂降胡
宜散也志有之匪我族類其心必異往歲降胡盡留官師授

官職給全俸昨者或衝破關塞奔歸故土或乘伺釁隙剽掠
京畿今宜遷徙厥衆遠居南土禁其種落毋自婚媾變其衣
服從我襟裾為兵則錯在我兵為民則錯在我民被我政教
從我風俗如此則可以減俸給如此則可以省漕輓蓋工
皇之朝臣嘗言及智謀短淺不足動天今有效矣何以謂兵
宜練也天下之民農輸粟女輸布以養兵也天下之兵受粟
於倉受布以庫以練武衛國也向者兵士受布粟於公門納
月錢於私室於是乎手不習攻伐擊刺之法足不習坐作進
退之宜目不識旗幟之色耳不聞金鼓之節轉貨為商執技
為工工商所得僅足補月錢之私費蓋民之膏血匠之氣力
變為金銀以惠奸宄一旦率以臨敵如驅羊拒狼幾何不敗
今宜痛革月錢之弊作新操練之政將帥有踵舊習怠新政
者小則降級大則誅夷何所不可若夫守令削民猶將帥削
兵也今也常年之所黜落三歲朝覲之所彈糾者宜加之罰
大臣舉官有犯贓者宜連之罪夫然貪墨者寡薦舉者慎貪
寡舉慎則民安而邦本固雖有夷狄外侵不足為患此之謂
撫民若夫天生將材不專將門也販繒屠狗被褐捫虱可以
王霸趙括奢子王離剪孫殞首繫頸無濟事也今國家用將

有出將門之中者如石亨楊洪是有出將門之外者如于謙
楊善是宜令公卿侍從各舉所知量能而使庶子拔十得五
聞一知二而邊才日充將帥得人此之謂選將漢圖恢復所
恃者諸葛亮宋圖恢復所恃者張浚此兩人者忠義素著功
業久立然街亭一敗亮降丞相符離未捷浚解都督待取後
効乃復前官此亦古人事也臣觀昨者于謙石亨等將兵禦
下迭為勝負互相殺傷雖不足罰亦不足賞也亨自伯爵陞
侯謙自二品陞一品推陷腥羶迎回鑾輅不見其功但見其
賞忠臣義士豈不怠哉今宜使但居舊職勿受新銜以作敵

慍以勵庶恥夫既與而不忍奪者其君姑息也既進而不可
退者其臣患失也君無姑息之政臣無患失之心治平計日
矣此之謂明賞罰若夫攬尊權親萬幾人主事也百凡政事
有早朝未及決者請退御便殿使近臣侍側大臣前奏言官
察其邪正面加糾彈史官書其言勅永示勸懲君臣之間詢
謀疇咨互相可否此亦前代故事 祖宗成法 陛下遵而
行之則決政也益以熟而察臣也益以明若仍前以本章奏
入旨意批出臣恐偏聽獨任成亂生奸故夫智仁勇人王之
德也智察枉直仁覆群生勇收威柄宋司馬光以仁明武告

君即此義也若夫五經諸史至博也派覽多識儒生猶或難
之臣謂經莫要尚書春秋尚正通鑑綱目而當善惡兼觀焉
今也儒臣進講誦善若頌避惡若諱是猶恐道路之有陷阱
閉目不視恐魚肉之有餒腐擁鼻不嗅其不至誤食而嘔冥
行而躓也者幾希矣夫惟善惡舊觀則於君也既知禹湯文
武所以興又知桀紂幽厲所以替趨避審矣其於臣也既知
有蕭曹房杜之良又知有李林甫楊國忠之奸用舍當矣其
於內臣也既知呂強張承業之忠又知仇士良陳弘志之惡
操柄定矣此在陛下設誠行耳今天下之大尚如金甌之
未缺臣見國勢可張仇耻可雪兄弟之恩可全祖宗之治
可復也 上嘉納之

逮巡按江西監察御史胡淵下獄以玩寇也

上皇往西北行曰小黃河東伯顏帖木兒小營在焉伯顏帖
木兒妻使胡女設壇帳止宿供具數日復兩行
十月丁丑朔上皇在漠北奉盃茶殺馬設宴稽首行君臣
禮妻妾四人次第上壽伯顏帖木兒亦與其妻如也先禮也
先七日一獻馬伯顏帖木兒七日一牛日一獻羊馬牛灌射
生則獻野馬黃羊上皇道行或乘馬或坐暖車男女途

見皆叩馬工時或進生也先時設宴上酒手彈箎撥思
見唱曲一齊和之大同王賽判王上酒皆跪曰中國聖人天
之始也也先請上皇曰今得不明遣使來迎皇帝歸矣
上皇曰即若自送我須我使徒往反耳喜寧不悅謂將信
曰求急歸者袁彬也合殺之工皇曰非彬也我自謂也

上御殿頒明年曆

勅荅脫不花王

朝鮮國王李禔入賀

命浙直作甲冑九十餘萬輸邊

戊寅真定安平縣人郭弘諸生郭清等十六人斬一七級獲

甲伏以獻授弘判官清等正副巡檢專捕盜

浙江按察僉事陶成為副使

屢犯甘肅外戍皆入城毀舊肅邸為營

濟寧左衛從臨清改臨清衛轄臨清守禦千戶所

禁私屠耕牛

肅州衛饑月給贍粟一石終今歲

速右僉都御史段信按察使曹泰錦衣衛指揮王虹監察御史

吳中郭仲曦王晉以失守居庸紫荆關也

福建左右布政使宋彰孫昂左叅政彭森周禮左叅議金敬
徐傑按察使方策副使高敏俱降驛丞副使邵宏譽僉事董
應軫王迪况真提督屯種僉事馬嵩巡視銀場僉事王驥俱
降鹽課司大使以匿賊地備當死戍遇赦也

已卯指揮司知石彪搜於真定保定

諭祭安鄉伯張安

談遷曰廣州大都會也黃蕭養不過免脫烏合之餘攻圍
累月張安輩不即救又提軍就道又不設備倉卒酣潰此
與高克彙師何異不追正其罪反祭賻焉君賞臣偷宗伯

於是乎失經矣

庚辰諭都察院肅朝儀

獲一謀三人其二喜寧蒼頭一指揮使安孟哥故忠勇伯把

台麾下也一謀明春入寇遣之窺我且族孟哥約都指揮石
連台等內應下法司伏誅籍寧家置把台家不問以安降胡
心

翰林院侍講吳節上邊務十事明賞罰料情定遠謀耀兵
威謹和議勤政務固根本護陵寢安民心獎死士上是之
夜黑雲緜五尺東西亘天

辛巳平江伯陳豫掌前軍都督府

增畿內巡按御史各二部

壬午進寧陽侯陳懋太保進平江伯陳豫平江侯都督僉事

董興為都督同知刑部尚書金濂兼太子賓客

增潮州府通判一

戶部左侍郎署光祿寺事素亨致仕亨附王振被劾會赦不

問

癸未刑部尚書兼太子賓客金濂改工部右都御史俞士悅

改刑部尚書召左都御史陳鑑回院副都御史王暹撫安軍

民

鎮遠侯顧興祖為左軍都督同知

劉安為右軍都督

同知劉聚為中軍署都督僉事同羅通楊俊脩塞關隘

福建都指揮僉事蔣貴徐信張凱閔忠俱失事降所鎮撫

甲申詔天下曰大兄太上皇帝鑿興未復方詰兵數十萬問

罪於彼請迎復悉眾城下朕遣大臣出迓徧歷營失

駕所在乃焚書斬使擣之六軍斬獲甚盛京城內外人心帖

然用告天下以彰殺伐之威

戶部右侍郎劉璉為左侍郎右副都御史羅亨信為左副都

乙酉都督同知郭登為右都督都督僉事紀廣方善張斌王
禎張泰為都督同知署都督僉事王斌為都督僉事都指揮
使杜忠丁信為署都督僉事俱邊功初登從鴈門入援先馳
蠟書胡馬長驅三關失險賊留連內地為患非輕臣悉起兵
壯入護關廷使賊有腹背受敵之患首尾不救之虞忠誠切
已敢忘報國之心成敗在天不負為臣之節

徵朝鮮馬三萬給之直
太常寺少卿習嘉言上言孝弟慈愛人道所先推以化成天

下虞氏之為政也
太上未還 皇太后宮中豈能紓樹護

之憂割懸旌之心願
陛下朝夕惓惓口不釋迎復語皇

太子幼冲不時存問孝弟慈愛昭著內外自然天下之人有

所感動以濟大功

免遣京官宴送廣東夷使初暹羅氏哇占城諸貢使還廣東
例傳送

丙戌寧陽侯陳懋進幼閣百有八人

丁亥涼州副總兵都督僉事王敬為平羌將軍總兵官鎮守
甘肅代任禮

密雲中衛指揮僉事張興為署都指揮僉事分守古北口監
察御史張斌協贊軍務

詔有司脩城堡

宣府右叅將都督僉事紀廣敗三百餘騎於神峪口

曉刻金星犯亢宿

戊子進金瀛太子太保

令總兵把總等官值標期免其朝參

弘教翊善國師簇克林巴卒弟劄思巴藏求襲不許俟番僧

立劾者

己丑昌平伯楊洪進封侯

行人趙訪為江西道監察御史

免順天河間明年藥材紙札

召致仕刑部右侍郎何文淵命昌平侯楊洪都督楊俊留京

師召守居庸關副都御史羅通還朝叅贊楊洪軍務閣臣陳

循等薦之

召商中鹽淮浙長蘆納草

庚寅都指揮使丁信仍都督僉事

鄧茂七偽黨吳繼昊等四百餘人伏誅

辛卯都督同知王通率兵往天壽山提督三衛護陵
左都督毛福壽為左副總兵 科給事中劉清叅贊軍務選
河間東昌胡騎勦辰州賊

叅贊雲南軍務兵部左侍郎侯璉往貴州總督軍務雲南按
察副使鄭顯叅贊雲南軍務湖廣都指揮同知馮暉充叅將
提督靖州等處官軍都指揮僉事安順李震俱充叅將聽王

驥節制

命都察院考覈回道御史

都督僉事范雄鎮守福建代崇信伯費鈞

增給納草價銀

少保兵部尚書于謙言留楊洪等京師則宣府肩寒可慮兵

科都給事中葉盛言今日之事邊關為急向令獨石馬營不

棄則六師何以陷土木紫荆白羊不破則一騎何以薄都城

由是而觀邊關不固則京城雖守不過僅保九門其如陵寢

郊社何其如田野之民荼毒何宜固守宣府居庸為便上

從之

壬辰停順天河間真定保定隆慶保安鹽銀鈔

寧夏總兵官張泰等改造小戰車每輛馬七匹寧夏

多溝渠妨駕場示軍用馬一
上皇至瓦刺老營

癸巳指揮同知石彪為署都指揮僉事

光祿寺奉旨仍附錄文簿故事諸同奉旨具覆光祿寺則石
自來亨得罪謂矯旨日給王振酒饌於是每事具覆光祿寺
卿齊整以事冗碎乞仍附錄從之

曉刻月犯五諸侯

上皇至蘇武廟

甲午刑部郎中祝暹陸矩山西按察僉事蕭啟俱為右僉都

御史

右都督朱謙為左都督鎮朔將軍總兵官都督同知紀廣都
督僉事楊俊為左右叅將俱鎮守宣府

己未刑部右侍郎耿九疇招撫鳳陽等處涿民賑濟免徭役
三年仍督兵捕盜吏科都給事中張固同右副都御史王來

裕州兵科都給事中葉盛往陳州勅如九疇

處州降賊陳鑑湖伏誅鑑湖戍留守衛乘寇私遁道獲

曉刻火星犯亢宿

丙申右僉都御史王竑都指揮同知夏忠署都指揮僉事魯

瑄鎮守居庸關

丁酉陳涇嗣泰寧侯陳瀛弟

右僉都御史蕭啟祝暹陸矩都指揮僉事董宸趙瑄葛旺鎮守河間保定真定

召鎮守居庸關都指揮同知趙政

總兵官昌平侯楊洪言令順天真定保定河間永平通警督御民入城移通州河上倉粟千九百餘萬石運貯通州城從之

戊戌徵廣西江西廣東兵援廣州

己亥廣西右布政使孫曰良為右副都御史鎮守臨清

庚子通政司右叅議吳餘慶為右通政

增真定各州判官各縣縣丞

辛丑大星一赤光自五帝座涿太微東垣一青白光燭地自

天梧涿天津

壬寅令定州衛達官廣義伯吳玘等率部兵赴京

增河道巡督御史自通州至南京舊二人至是四人

山陰守禦千戶所周瑄等奏「三千餘騎掠代州扼關守雪深不得出因掠繁峙諸縣夜襲斬七人獲械畜若干陞賞有

差
癸卯河南都指揮僉事黃信赴延綏不進下獄死
命太常寺往視滕懷王榭恭王斲獻王趙靖王諸墓以
其供具也

大同守備都指揮同知許貴為都指揮使

初順天戶於立春進春牛春花於帝及兩宮者至各飾金
銀珠翠直錢九萬餘至是宛平人告匱其春花乞時弁從之
甲辰陳輔嗣平鄉伯陳懷子
應天府丞蔡錫為大理寺卿巡撫湖廣翰林院脩撰王振為

大理寺丞巡撫貴州

錦衣衛指揮僉事李鐸監察御史秦顯王壁巡視居庸山海
紫荆等關

翰林院侍講倪謙刑科給事中司馬恂頒詔朝鮮

免順天河間保定真定兵旱田租

乙巳陝西按察副使劉廣衡為布政使

故事冬至後至春日賜殿直將軍甲士頭腦酒至是始罷

之

丙午祭故守白羊口通政使謝澤

尚寶司丞夏瑄上言四方多事水旱蝗蝻民流離他鄉填死溝壑者無筭子遺幸存恐意外不測之變願陛下詔省躬令大臣撫安勞來之經兵燹者復其家存恤流民開義倉罷不急助牛種贖鬻子任循良斥貪酷則民志定矣湖貴苗寇始於麓川之兵又生熟苗爭田有司受賂邊將侵削奸民漏師致其猖獗兵數失利蠻地不毛得不足益棄不足損非福建廣東之沃庶也陛下軫中土之疲母廬民於遠凡邊苗僻遠之地非我要害給其苗長免賦役如洪武例仍就立宣慰等官統之無南顧之憂可專制北也上大是之

也先權上皇轉西行至小寶山喜寧曰從此還到甘州使其子將迎入即轉入陝西取陝騎卒以入南京遂居於南京袁彬哈銘候喜寧去白上皇曰天寒甚陛下又能騎空取凍冷到時守將亦必不受上皇曰是也喜寧曰此又哈銘計直殺銘耳上皇道渴覓陽泉鑿冰進水哈銘求車一輛駱駝一隻展蒲皮褥坐上皇車中伯顏帖木兒所高胡奴竊上皇物喜寧聞上皇使銘往索之銘曰我今方困索彼盜物如虎口奪食徒生怨耳上皇怒使袁彬鞭銘鞭已叩謝上皇曰鞭何謝也銘曰臣棄父母兄弟妻子

而從三陛下尚誰攀耶

十辰丁未朔 皇在漠北

召河南右布政使丁鑑 安陸知州陳詢

夜火星犯氐宿

或申詔更定大統曆 初天文生馮軾乞改曆欽天監正許惇

等言正統間監正彭德清於北京觀象臺較之南京北極出

地上高三丈南極入地下卑三丈冬至晝短三刻夏至晝長

三刻奏為永制 工曰日出入度數驗在四方京師未足準

也今後曆悉如洪武永樂故事

永清縣達官家李羅導亂伏誅

夜大星青白光燭地自太乙旁發光如斗 涿天市西垣四小

星隨之

己酉安遠侯柳溥掌神機營

庚戌尊 皇太后為上聖皇太后

監生張誠為雲南道監察御史

吏部尚書趙新巡撫江北左副都御史洪英巡撫山東

宣府亡卒孟晉原妄自謂紫微星當天子被誅

夜大星赤光燭地自貫索涿天市

辛亥戶部右侍郎儲懋調禮部

靖遠伯王驥為平蠻將軍總兵官勦貴州苗代都督官聚還

京時貴州諸夷叛四川行都司都指揮僉事張祥來援至赤

水大捷會大雨水賊乘間攻我追戰二十里至清水舖力瘁

死立祠

都督同知董興為左副總兵率江西兩廣官軍勦廣東賊都

督僉事陶瑾鎮守處州

錦衣衛正千戶盧忠為指揮僉事

勦諭孛顏等三衛頭目毋誘於北有有虜臣節倘北犯犯邊

先馳報協討

大理寺右寺丞王振改名怕

也先先自率眾掠寧夏踰月還

壬子諭都察院榜示中外各官出入儀從水陸驛傳私載需

之禁

連東百戶施帶見俘於通通鎮守太監亦失哈潛歸巡檢小

東御史劉孜收斬之因劾亦失哈海西種當犯犯廣寧禁不

得擊多收蒼頭隱占軍餘佃戶數百罪罪工工不問京

曉刻琴見天市

癸丑尊母賢妃吳氏為皇太后

監察御史陳柝等七人巡河南山東畿內覈逃兵赴京

曉刻堊見尾霜色蒼白芒尺餘

甲寅封妃汪氏為皇后皇太子母周氏為貴妃

勅居庸關宣府大同諸將聞又稱送駕實來伺邊宜堅守

母隨其計如喜寧隨至即誘殺之

左副都御史楊善為右都御史仍署鴻臚寺

命關隘詰逃民遣送復業

乙卯曉刻堊見尾度芒二尺餘乙亥夜滅

丙辰兩宮禮成詔赦

復倪冕延平府通判

丁巳都督僉事范廣衛穎陶瑾為都督同知

右僉都御史青田陳詔同都督同知陶瑾往處州治盜

勅貴州宣慰使晏隴富遣兵助討叛苗

定親王郡王妃薨儀賓卒止遣中官及將臣致祭不遣行人

從行人陳浩之請

夜月犯昴宿

戊午宣府右叅將都督僉事楊俊仍領開平馬營等兵

昌平增廣生馬孝祖工四事養聖心隆大臣戒游食恤臣下
亦上是之

己未翰林院庶吉士李瓚尹旻為吏刑科給事中

分將統領京營武清侯石亨昌平侯楊洪安遠侯柳溥各領
營都督范廣孫鏜過興副之選銳三千人為游兵從于謙之

請

吏部聽選知縣黎近工四事勤日講築營城急入保行間謀
慎刑獄時賜廷獻上是之

工科給事中陳且言京寺國師刺麻番僧日費光祿寺供具
宜止給米薪順天府每立春年節元夕預作土牛門神桃符

紙燈分送各官其費甚夥悉令停止從之

夜月犯五諸侯

庚申大同總兵官右都督郭登上言今日之勢可養銳不可

浪戰可用智不可力爭紫荆等關隘選銳據險其涿水易州

真定保定之鄉積柴駕砲使烽烟相望仍列騎馳報小警則

一烽一砲大警則三烽三砲悉歛人畜入城京軍犄角堅壁

固守多張旗幟或夜砲示劫或晝鼓示戰彼動我休彼勞我

逸彼求戰不得人有倦心不出旬日自走矣然後別選精騎

或邀險或躡後力求倖勝務出萬全此所謂不戰而屈人兵也
也上嘉納之登始臣鎮兵不滿千馬才百匹登各城門外
造木柵設窰募銳士身督之士氣漸振人亦爭前自登
禮部右侍郎章瑾前下獄例輸贖不即納會赦遽自引謝御
史復論其挾詐仍末減降秩瑾恚甚出獄三日死
辛酉工科給事中陳宜為應天府丞

令翰林院五經博士典籍侍書待詔俱教官陞補以閣臣陳
循等言侍從闕員也

杭州右衛指揮使許壽為署都指揮僉事鎮守温州及巡視

福建政和縣銀坑

令桂林右中二衛選花牌軍百五十人赴京教神機營安遠

侯柳溥言廣西花牌之利

壬戌增湖廣廣東廣西右叅政福建雲南貴州四川右叅議

湖廣廣東廣西副使四川福建雲南貴州僉事各一

癸亥都指揮同知翁信鎮守山西及提督守備鴈門關都督

僉事孫安還京

六百餘騎攻大同官軍禦卻之又千餘騎南行命備之

甲子禮科給事中李實下獄初實言儀真五壩通漕為朝廷

命宜重臣鎮守且請按察使孔文英內轉工部謂土壩事微
又檀轉外臣遂逮論贖還

乙丑書止代王仕壩求遷汝寧

右副都御史羅通回院仍叅贊軍務

南畿歲貢生俱肄業北監著為令

戶科都給事中李素為光祿寺少卿

懷遠衛指揮使陸祥往真定保定搜代石彪

戊辰翰林院脩撰商輅彭時為侍讀五閣庶吉王萬安劉吉劉珣

李泰為編脩邢讓李本為檢討

庚午賑延平建寧等兵災

辛未右都御史王文為左都御史仍鎮守陝西

兵部以脫不花王阿刺知院兵在開平環州威正諸塞外

遣尖夜二百人往襲杜其八犯人各賜一金及裘帽

廣西徭賊掠甯白縣

夜金木星會尾宿

壬申兵科給事中劉斌言為政莫先於得人得人必自大臣

始乞慎其選謂之有三曰德曰量曰才其責又在吏部乞簡

御史會巡撫等官察有司庸奸貪酷考斥削有差至於養兵

章積弊復祖制選死士五千人專任前鋒長刀斫馬足
不難勝也恤窮民明賞罰理冤抑俱合且急務上從之
雲南金齒軍民指揮使司知事袁敏上言太工皇帝曩居
九重之上所服袞繡所食珍饈所居瑤瑤之宮芙蓉之闕今
遠處沙漠視之窮次歲且更始凡有人心孰不思痛臣聞主
辱臣死一上皇辱至是為人臣子朝夕思念碎骨剜心乞遣
人起居將奉禦寒衣具若飲食之物或就令臣同通事人伴
齎送臣雖死亦所甘心上從之
雲南五井鹽課提舉司吏目胡仲倫上言今日之事可屈者

一不可屈者七漢高帝款單于妻以公主可屈者一也萬乘
墮不可一一假和弛我備不可二結親自尊不可三索金
帛坐困不可四稱送駕克我閭隘不可五上皇手詔賜
城不可六欲求山後地不可七七若從其一大事去矣上
陛下念宗社之重固守宣大伏兵守險如果送三駕許其自
來勅楊洪邀其歸路則駕可還若欲不戰而和非臣所敢
知也恐犬羊之性自古無能誠結之也上大是之
廣東都指揮僉事徐瑄初征廣西以黃蕭養等攻南海等縣
奉檄援之不即進被劾俟後命上

夜大星黃赤光燭地自中台汴太微西垣三小星隨之

癸酉右都御史王來巡撫河南并襄陽黃州

鎮守松潘都指揮僉事高廣為都指揮同知

浙江都指揮僉事王謙總督官軍備倭

錄福建土人從征功巡檢吳保為縣丞許鑑為主簿諸生吳

祐林瑩為主簿羅琪陳紀布衣黃本常張興王真保盧得成

林顯祖林普兒范永福饒以興陳琪李森陳斌陳秉原方贊

仕俱為巡檢

數十騎犯驢鞍嶺

北亥廣州圍三月餘不解

上責右僉都御史楊信民緩兵

促左副總兵都督同知董興亟往討

上皇在上營令袁彬草書致上及群臣謂宗社為重練兵

固守毋多慮朕自有歸日也時嘗夜見御幄有光若龍騰

大異之也先請尚妹上皇固卻之袁彬辭以返國而聘處

居益莊大敬服

是年南京翰林院侍講學士周叙遺吏部尚書王直書曰永

樂宣德間嘗仰望少師東里先生嘗跡其舉措究其底裡士

大夫必論不容掩也易曰知幾其神乎書曰慎終於始又曰

惟克果斷乃罔后艱竊思三楊輔政之初一幾也不深思熟慮身任其責惟陽歛陰施掩人耳目雖曰自保其實悞國故致今歲七月之禍此時先生與諸君子輔政之初又一幾也且鑒覆轍為宗社生靈永遠之謀失今不圖噬臍莫及豈得即效子從赤松晉公之營綠野乎叙官至學士又冒應采史之脩倘不即死成此一事竊名穹壤問他富貴皆無所望所念者國家安則民皆安叙輩亦可偷生畢其素志今歲以來因朝廷屢為更張事不敢避禍屢有所陳未審朝議以為可採否自是以往亦不敢瀆告一語矣

棄東勝州

嚴從簡曰此我朝不復回郡之實也蓋嘗論之有二失焉一洪熙宣德之間玩常而不思其變景泰天順之際守近而新不謀其遠由是偏頭隄於犬羊而全晉以北單矣豈惟全晉五原雲中趙武靈所欲下甲咸陽者也此而不守則右臂斷全陝危矣可惜甚哉少保公極力於獨石而不注懷於東勝其意何也

五原上

工皇

五原

五原

五原

五原

五原

五原

五原

五原

五原

五原

庚午景泰元年

正月丑朔 上皇在漠北焚表告天地也先設羊酒斷頭山奉
宴諸酋進皮條為賀校尉袁彬温吳時為隱語悅 上皇
獲一羊髀烹而共啖之晝斧薪代冰夜則以背承 上皇足
而寢 上與我小戰小不遂輒欲修彬 上皇至泣請不得而
譯鞮哈銘頗幸也先聞以恢諧解之僅免彬嘗病寒 上皇
親治糜啖之身歷彬背汗洽良已銘嘗睡耐手壓 上皇胸
上皇稱引巖光事無似之耶銘叩頭萬死萬死也先聞過

上皇帳間語曰

皇帝歸宜善視哈銘

上皇笑諾

上御殿受朝上賀

上海人奏松江分司橫浦等場課司隸兩浙運司以逋課巡
撫侍郎周忱提督謂卿竈不善鹽場竈不善耕令卿丁出粟
給近丁代煎近改分司隸浙江布政司又設總催民甚苦之
請仍忱舊從之
戊寅高山衛指揮使凌廣為署都指揮僉事鎮守陽和
韓府平利王範整費年二十七謚懷簡
己卯武成後衛帶俸署都指揮僉事沈英鎮守涇州
例馬關見薄墻砲逐之胡代州勦賊都指揮翁信至保定

勅指揮陸祥併兵
命戶部主事陳汝言往河間東昌選達官軍付左副總兵左
都督毛福壽征苗汝言福壽本胡種奸狡惟知同類不可不
慮於是勅請遠伯王驥俟福壽在善御之
庚辰平江侯陳豫右副都御史孫曰良鎮守臨清

湖廣按察使孔文英為大理寺卿曹泰為右少卿改信為左
寺丞同都督同知顧興祖等守備紫荆關白羊口倒馬關
總督宣府邊儲戶部右侍郎劉璉言懷來永寧赤城獨石馬
營等官軍前棄城入京駐朝陽門外今春方農乞還原衛守

備處宣府得全從之

福安賊陳嚴四等作亂命都指揮張欽合崇信伯費到勅之
辛巳築城天壽山南周二里居長陵景陵獻陵三衛官軍
并移昌平縣治

壬午禁大興隆寺開正門鳴鐘鼓

夜墜見天市垣外掃天紀

癸未署都指揮僉事石彪率兵自良鄉出紫荆關直抵大同

甲申鴻臚寺丞俞山為左少卿

丙戌命上南郊

右副都御史寇深為左副都御史

丁亥遣大臣祭告祖陵皇陵孝陵并秦愍王等及歷代帝

王陵孔子嶽鎮海瀆

昌平侯楊洪請重總督軍務少保于謙將權九門各設教場

練士作軍器節糧儲上是之

命南畿山東河南各巡撫捕蝗種

曉刻金星犯亢宿

戊子琉球朝鮮入貢

蠲光澤莆田閩長樂福清惠安去年歲辦課程

己丑命山西轉餉大同總兵官調兵護之

前戶部左侍郎王濬卒濬字子清太原人永樂丙戌進士選

庶吉士起復授諸皇孫經拜左春坊左司直郎仁宗初授

鄭府左長史宣德四年從之國六年召改行在戶部郎中十

年進右侍郎巡撫兩浙正統四年改南京六年致仕濬清慎

自持囊無餘蓄

庚寅都督焦禮施聚等以連東兵暫住永平練士

沙尤二縣遺賊復殺掠命南京守備豐城侯李賢以二千人

討都指揮仲福領之同都督高禮選連軍勦賊

辛卯括京師官民馬給軍

卯刻月食欽天監官以辰初刻被劾下法司宥之

壬辰金吾左衛指揮使宋傑嗣西寧侯宋瑛子

夜月暈掩軒轅太微西垣右執法明堂靈臺長垣二星

癸巳河南右布政使丁鑑為刑部左侍郎仍支從二品俸

嘔罕河衛都督同知你哈答為右都督

廣西賊熾令參將都指揮使武毅平廣東賊急援廣西

沙縣賊陷清流縣知縣蘄水呂鏞盡力保障未幾賊二萬來

攻率民兵力戰不支端坐抗罵死之民立忠節祠祀之

映刻月犯五諸侯

甲午太僕寺卿崔奉致仕

運江西粟四萬石浙江粟三萬石於福建餉行營

勅武清侯石亨自紫闕往大同昌平侯楊洪自居庸關往宣

府巡徼亨乞添邊兵三萬大同邊堠九十餘各戍十五人宜

要路立大墩增三四十人積糧草於鴈門關北廣武結西安

驛許報效人自造軍器楊洪請京庫鉄十萬斤移紫荆關城

於靈子口潞州辦鉄蒺藜百萬折鉄送鴈門關各村社立柴

墩接邊烽互應會工悉從之

太原左衛指揮僉事江湧以父決死乞赴邊復仇許之

乙未都指揮使許貴充右叅將鎮守大同西路

都督王通總兵官朱謙等築塞各關隘

巡撫江西刑部右侍郎楊寧言降散處中原自京師直抵

徐州布滿郊邑今廣東福建盜發宜擇達官達軍從征給賞

賊平即分各衛所守禦家屬送往工深然之且妻子母輕

擾

遣視真定濟南青襄陽旱災

夜大星赤光自內階流大陵二小星隨之

丁酉復徐榮蕩城知縣

命雲南叅將都督僉事方瑛同貴州總兵官官聚先平赤水

水西等苗通道至清平平越

武岡州諸峒苗叛

晉府徐溝王鍾鐸薨年二十謚悼僖

戊戌令都指揮王林李綱以三千人分戍懷來永寧都指揮

楊信往來提督

寧夏右叅將都指揮使王榮奏有^先二千餘騎扣靈州城云

送駕又二萬餘騎云不出迎必重困命善備之

前國子監祭酒貝泰卒

己亥鎮守大同左少監陳公言「三百餘騎掠威遠衛命署

都指揮僉事石彪巡鴈門閩偵勦

夜月犯心宿

庚子浙江道監察御史李賓為太僕寺卿

浙江都指揮僉事蕭華姜恭分守衢州金華

蠲北京軍需三分之一

少保兵部尚書于謙言逆卒王貴還自「中云阿刺知院犯

遼東也先犯陝西今都督焦禮施聚還遼東宜勅其謹備互

援從之

徐溝妖人王文簡等伏誅

辛丑國子監學錄魏齡為江西道監察御史提調北京學校

巡撫大同宣府左副都御史羅亨信致仕初宣府兵入衛鎮

久洶洶或欲棄城夫亨信不可仗劍坐當門令敢出城者斬

衆始定治備固守

禁都人包攬錢糧

改直隸睢州衛隸河南都司

逮鎮守鴈門閩都督僉事孫安以于謙劾其罪

諭都察院禁中外使臣縱下科索聽御史按察司擒治
壬寅募舍人軍民輸芻粟豆馬於宣府大同賜冠帶或米豆
二百五十石或穀草二千束或秋青草三千束或馬匹十之
減密雲隆慶中鹽價

令署都指揮僉事陳紀專撫陳州流民
鎮守陽和等衛左叅將都督同知張斌貪淫不法逮下獄
癸卯以江南折色七萬五千金易陝西粟實邊
密雲至山海關戍卒所支京庫胡椒蘇木改附近領鈔
故太保成國公朱勇子儀乞祭葬以覆師不許

俗工吳之

二丙子朔 上皇在漠北居東勝州

大同右叅將都指揮使許貴為後軍都督僉事初掠威遠
衛貴追至蒲州營斬十三級

免大同皮翎鹽糧米鈔

兵部奏上謀祀臨清請調魯府護衛軍五百戍之報可

丁丑書止慶王秩燧及安化王秩燧內徙

戊寅祭太社太稷遂親耕籍田

前戶部左侍郎奈亨卒亨字彥通香河人以吏從守北平永

樂初授脩武縣丞進吏部文選主事洪熙初遷北京行部吏
曹員外郎已革行部調吏部驗封司歷文選宣德中遷左通
政正統初遷光祿卿媚閹振矯旨日給酒饌已陳城守功進
戶侍仍署光祿年老染白髮庖人杜清晒之被杖清訴其奸
賍下獄宥死雖有才稱職而不脩士行附權狠愎稍拂其意
輒構陷之訃聞諭祭

己卯代府襄垣王遜輝教授張斌奏王事父簡王侍疾衣不
解帶及薨哀毀逾禮廬墓十旬工勅旌之

兵部右侍郎兼翰林院侍講學士苗衷為尚書兼學士

尚寶司丞夏瑄求便養改南京尚寶司

濟寧左衛指揮使趙輔為署都指揮僉事仍隸京營

禁伐紫荆居庸鳳門等關之木

庚辰大理寺左寺丞李奎為右少卿

免雲南所負差發金銀米鈔貝馬

壬午起復山東按察僉事姜永

太子太保戶部尚書金濂言楊智回自中云也先欲犯大

同北京又直窺南京宜選才智數人募兵分屯臨清太原彰

德長安淮安大名工是之時募民兵九萬五千二百餘人

自赴京外餘留各地遂令戶部右侍郎沈翼往山東工部右侍郎張敏往山西右通政樂暉往陝西刑部左侍郎丁鑑往鳳陽河南大名各操練民兵不再募

丙刻黑氣貫日三文餘如魚

癸未叅贊軍務右副都御史羅通言近宣府屯龍門獨石

就食倉粟軍勅總兵官都督朱謙叅將紀廣都指揮楊俊等募死士往戍或遣突夜潛劫仍布賞格購斬也先賞銀五萬黃金一萬封國公太師殺伯顏帖木兒喜寧賞銀二萬黃金并封侯從之

甲申先是盜入代府山陰王遂熤府王遂熤與伏張清副左

耳又副校尉牛貴右耳上書戒之

增太僕寺主簿一

復傅霖濟寧知州蔡保吉安通判

免大名災租

諭兵部會官舉智勇

乙酉增廣平大名通判專捕盜

丙戌武清侯石亨為鎮朔大將軍總兵官都督過興都指揮王良為左右叅將率京兵三萬巡大同都指揮同知為游擊

將軍率萬五千人巡宣府
召處州銀場開辦內外官專有司守護
增紫荊關戍千五百人倒馬關千人白羊口涿易州各五百人
裁河間縣儒學歸郡學

戎子增南京卿貳南京大理寺卿陳勉為南京右都御史翰
林院侍講謝理吏科給事中姬夔兵科給事中覃浩為南京
戶工部右侍郎姬夔為南京刑部左侍郎南京禮部右侍郎
杜寧調南京兵部

許國子祭酒蕭鏊予告以官屬諸生留之

逮鎮守河南內官李琮下錦衣獄琮陳兵出入索民金幣無

筭日需肉五百餘斤豚二口他物稱是巡按御史陳玠劾之

居庸獲閩謀劉玉鎮守獨石內官韓政蒼頭也下錦衣獄

雲南海海衛千戶傅洪數盜鑛日調騰衝父不赴叅贊軍務

侍郎侯璉自促之集衆欲殺璉以救免詔誅洪

安陸知州陳詢為大理寺右少卿

還定州保定河間等衛違官軍餘屯操從廣義伯吳玘之請

庚寅陝西左布政使宋傑為左副都御史叅贊甘肅軍務代

馬昂

辛卯大理寺左少卿蕭維禎為寺卿
朝鮮國王李禔貢馬五百匹賜銀絹紵絲羅償其直餘止之
壬辰四川按察副使李匡為右僉都御史巡撫四川吏科都
給事中張回為大理寺右少卿鎮守四川行都司始行都司
轄六衛環以番夷三九月大渡河瘴監司不時至禮科給事
中李實請專官撫安也

右通政樂暉為左通政工科給事中李震為通政司左叅議
南京都指揮使趙倫為左軍都督僉事都指揮同知房顯蕭
能為右軍後軍署都督僉事

發御馬監下駟牧於近縣

錦衣衛指揮使汪英乞寶源局供日用不允

御用監太監喜寧伏誅也先使那哈來朝 上皇語也先使

喜寧及軍士高斌與之俱密書鞞間令宣府執之 上皇使

袁彬哈銘送微雨 上皇曰此洗屍雨也喜寧不反矣斌至

萬全右衛都督朱謙遣右叅將都督僉事楊俊以都指揮江

福內官阮華陳倫伏兵野狐嶺下可千餘人後為寧置酒寧

領數騎前突出擒寧并火落火孫械京師磔之市三日擢

楊俊中軍右都督仍充叅將授高斌副千戶斌初抱寧俱墜
城濠中那哈還北工皇聞其故曰我故言洗屍雨我南歸
有日矣

葉盛曰蕪武傳揚名匈奴功顯漢室即昌黎春猿秋鶴之
類李陵欲効曹柯之盟是雖追咎無補之言然近年論者
謂喜寧之叛亦繇早籍其家故耳

嚴從簡曰喜寧之擒土人皆謂出自江福而本兵故贖率
以為楊俊功蓋福請兵於俊而俊之氣勢又能掩而有之
耳功成俊受上賞不以及福而福亦不以自明非得事上

之忠保身之哲者曷足以語此

癸巳增易州同知涑水曲陽

等縣主簿

俱提督民兵守關隘

都督同知范廣領五軍大營

作槍銃鎮守遼東太監易信言手銃須柄長七八銃盡加以

槍詔下兵仗局

乙未募商納粟中鹽

丙申工皇第四子見淳生惠妃王氏出

丁酉命大理寺右寺丞薛瑄於貴州勸助軍餉

宥都督僉事孫安獄從昌平侯楊洪自効

戊戌涼州協守都指揮同知蕭敬充甘肅副總兵官仍鎮涼

州

參贊寧夏軍務右副都御史盧睿致仕

廣東按察使黃翰僉事韋廣削籍俱初左參議楊信民劾其

罪各互訐被逮已信民得白至是翰廣獄上特斥之

壬寅定貴州納贖例

夜黑氣南北亘天

甲辰勅各鎮守巡撫及三司巡按御史以喜寧既誅招撫流

止給牛種賑乏勸貸停雜徭不急之務

三月己朔 上皇在漠北

南京工部右侍郎吳政為左侍郎

丁未京衛帶俸都指揮使失連台茹鑑焦用都指揮同知戚

斌女義米朶、來俱為都督僉事

四川天全六番招討司使高鳳以副招討楊顯昭謀叛擒之

道死 上恐其誣陷下左副都御史寇深覈之

己酉 寇朔州妣河堡守備偏頭關署都督僉事杜忠以三

千騎邀之土塞及蕎麥川擒三人斬十餘級進都督同知

庚戌故貴州都指揮同知洛瑄贈都指揮使湖廣九溪衛指
揮使翟亨贈都指揮同知各賜祭俱攻孟養陣沒
辛亥賞右都督楊俊黃金二十銀三十紵絲三雙進江福都
督僉事時科道言購喜寧賞格銀二萬黃金千封侯今宜陞
賞如格工以俊等職也故再賞

故戶部尚書王佐子道陽故兵部尚書鄭棻子儀俱廕主事
故吏部左侍郎兼翰林院學士曹鼐子恩刑部右侍郎丁鉉
子琥故右副都御史鄧祭子瑋俱廕大理寺評事故左通政
龔全安子廷輝故太常寺少卿黃養正子希祖戴慶祖子昇

故太僕寺少卿劉容子鑑俱廕部照磨故欽天監正廖義仲
子景明廕司曆故太醫院使欽謙子智廕吏目故翰林院侍
讀學士張益子栩故尚寶少卿凌壽子輝俱廕序班仍命制
終赴京全安孫照後廕太倉州判官

吏科給事中習敬言各官罪斥納贖復秩惟科欽備債乞視
知府駱敏例止給冠帶從之

壬子兀者衛右都督刺塔為左都督益賈左衛都指揮使木
當加為都督僉事以絕瓦剌旌之
南京大風拔木

大同總兵官武清侯石亨擊，敗之。

癸丑都督同知范廣充總兵官右副都御史羅通提督軍務
巡宣府時，二萬騎攻萬全右衛內官弓勝張溫領神機營
神銃從征俄報，退。

丁丑寧夏慶陽大殺掠

乙卯隰川王遜燬言去年

上皇至大同城西校尉袁彬云

乏衣衾臣備獻并酒饌

上勞之

大同總兵官定襄伯郭登等言清明日朔州人出城展墓，
卒至殺四百餘人指揮周寧等追之止斬一人失亡六百六
十餘人蹂死數千

高要賊吳長能等欲連黃蕭養攻肇慶署都指揮彭英等襲
斬之凡千七百餘人

南京翰林院孔目王積為檢討

城南溪富順捷為祭昌大足永川內江時蜀夷竊發

巡撫廣東右僉都御史楊信民卒信民新昌人永樂 貢

士宣德間選工料給事中憂去後補刑科正統八年遷廣東

左叅議劾察樓使黃翰僉事韋廣同下獄軍民訟其枉特復

秩守白羊口適南海盜起進信民右僉都御史白羊軍士皆

泣送及至廣州已困守數月矣給民木鐮出入自如賊至乃收保招撫脅從歸附日象檄諭黃蕭養蕭養曰得楊公一言死不恨死期來見信民單騎往賊羅拜前泣曲諭之俱懼悅獻巨魚受而鬻之賊出謂不祥稍散去亡何間董興兵至遂中變信民遽中毒卒廣人縞素哭奠相屬賊亦曰楊公死吾屬無生矣賜祭葬子祀廕太學明年廣人乞立祠從之

陳埏曰公存心以仁處事以義予人以信歷官二十餘年終始一節夷險一心而論者徒以公廉介一毫不取與布衣蔬食寒士爭淡泊而已此未知公之全者也

談遷曰楊忠惠以參議劾按察使郭智黃翰似許撫賊贖志致似悞而廣人深德之者何哉以忠惠內激於義興除不撓好行其德也雖烏董乍中而甘棠在人僑也衆之母矣即飲恨庸何傷

丁巳浙江都指揮使李信為署左軍都督僉事左布政使孫原貞為兵部左侍郎參贊軍務時溫州餘寇未靖檄兵二萬七千人

募高納朱真定保定河間中鹽備賑

戊午寧遠伯任禮提督三千營

三千餘騎攻天城東門官軍射卻之

己未琉球入貢

庚申故金吾右衛帶俸都指揮使閔成贈都督僉事

土木敗沒

署都指揮僉事石彪為都督僉事游擊將軍

辛酉令內官武良刑部右侍郎江淵錦衣衛指揮僉事呂貴

巡視紫荆白羊口倒馬諸關隘

癸丑

昏刻太陰犯心宿

壬戌叅謀大同軍事右都御史沈固為左都御史內使阮阿

山為奉御

癸亥免順天保定夏稅河間真定順德廣平免十之六大名

永平免十之

甲子太僕寺少卿俞綱為兵部右侍郎直內閣

停採真定河間野味直沽海口蘆魚時內官監造內使兵部

于謙言其旱匱

丙寅勅安南國王黎濬以占城訴其侵掠共男婦三萬三千

五百人王且保邦睦鄰前事有則改之否則加勉又諭占城

國王摩訶貴來

免大名順德廣平戶口食鹽鈔

丁卯復賀粲獲鹿知縣食六品俸

早分遣大臣於京師禱各祠廟寺觀

戊辰總兵官武清侯石亨言「謀犯大同請出寧夏兵直搆

斷頭山大同左右叅將分守東西二路其中路惟總兵官郭

登宜都指揮僉事潘興克叅將「上從之勅工部尚書石璞

往山西同右副都御史朱鑑募兵戍鴈門關

命大名順德廣平饑民支臨清倉粟俟償

辛未四川叅將都指揮僉事劉深為右軍署都督僉事

諭戶部榜天下納米備餉賑饑如其額例給冠帶賜勅旌為

義民

免平鄉壽張縣災租

偏頭關獲「謀云也先欲分部入寇

壬申大理寺評事曹思改翰林編修

癸酉岷王榘薨王洪武二十四年封國岷州二十八年改雲

南建文初廢為庶人流漳州靖難未復王然驕橫不改奪冊

寶勅戒之終不改革其護衛仁宗初徙武周年七十二謚

曰莊

致仕國子祭酒李時勉上言備邊之道在選將練兵臣見今武臣子弟襲職惟走馬蹏澗射矢京師亡賴多市快馬規利即令試中兵法不諳宜試後問以營陣攻守之事能詳對者即知兵法者也可擇而用之又蹈難殞身如不信國公文天祥之大節將作監丞歐陽詢之死使信豐尹李廉之捍賊至今俱未謚今文武拔駕之臣殉義者宜存恤其家謚贈葬祭以勸方來又旁求俊又擇正直德望者輔之朝夕納誨其於廢位俱賢智練達之才夫將帥得其人中外任職然後特遣信使祇迎大駕南還有日矣上大是之

四

甲戌朔

上皇

在漠北嘗歎曰曷月予歸哉歸當居於逍遙

之府哈銘泣曰

陛下非有畋游荒亡之樂為天下蒼生而

來歸當正位又何歎也既數日

上皇在豐州伯顏帖木兒

妻使使女問銘等曰今已夏煖何得炙薪皆言不也我輩數

人同一羶帳何地炙薪使女曰我謂薪燭也羶帳上乃有火

光歸語伯顏帖木兒妻以告伯顏帖木兒皇帝帳上夜

現光必有大福伯顏帖木兒放鷹得一雉與酒來獻謂哈銘

曰我今有一喻上奏皇帝如大海潮時有一大魚落在水

灘是大海魚能淺水位潮來終去皇帝莫急

初也先內犯馬營獨石龍門鵞鷓等城以吏卒赴京遺芻糧
數萬議塞其城門俟後轉運宣府已游擊將軍楊能請分兵
防護提督軍務右副都御史羅通言「三四千人各牽駝馬
取糧馬營等處夫棄城遺糧資非計然守則不足運則不
逮焚則不給乞下廷議戶部謂事難遲度下劉璉羅通及總
兵官朱謙等計之

西北黑雲如隄亘天晡時乃散

丙子慶陽衛署指揮同知陳旺為署都指揮僉事領五軍營
廣東都指揮李昇王忠何貴等分捕海寇、倭敗奔小港昇

貴深入追之適潮退舟膠忠潛回昇貴遂遇害失止無其事
聞貴忠後效

少保兵部尚書于謙言南京災異屢見乞守備太監及文武
重臣撫卹人民開封南陽襄陽鳳陽兖州安插逃民乞右副
都御史王來洪英尚書趙新加惠善防京省賊擾所遣練兵
召募捕盜内外文武官絡繹道路迎送累民乞召還各官專
委撫鎮并裁鎮守內臣調兵京操徃、逃亡乞量加恩澤各
營馬瘠乞暫借舊賜官員草場一年芻牧天久不雨乞勅法
司錦衣衛在外三司同巡按御史疏獄 上悉從之操軍人

賜布一匹惟鎮守內臣如故

談遷曰景帝專任司馬言無不從誠魚水之契而內臣
鎮守監軍猶未能革也假司馬倡言閣議臺章群起而和
之則天聽必回而陳循輩類依違其間釀禍永惜哉
夜大星青白光自宗正流天江

戊寅朝鮮國王李禔請世子冕服從之

召商中鹽偏頭關

江西道監察御史許任達言自冬徂春災異數見黑氣四塞
烈風拔木時雨久缺臣考之經傳驗之人事天降災異莫不

有繇臣以為天心仁愛欲陛下盡絕宴安醜毒之私奮發

卧薪嘗膽之志以成非常之功以雪非常之耻陛下宜痛

自脩省日與輔臣講求治理耳目之娛荒寧之事不使喪其

心志居起服食凡百自奉亦宜抑損不令過奢申戒群臣同

加脩省視雲南郊禱於皇天后土如成湯申桑林之責高宗

用祖乙之言庶可工副天心下消災異上善之

己卯召鎮守浙江都督同知陶瑾巡撫右僉都御史陳詔侍

郎丁鑑孟鑑沈翼左通政藥煇監察御史夏裕還京

清平伯吳英卒

庚辰貴州苗父圖安南衛勅雲南總兵官黔國公沐斌調五
千人司普安州土官隆本援之
各道監察御史羅篋等言政化一新矣猶迭見原其所自得
非恐懼之誠或少替與求治之心怠與供奉之具未節與賞
罰之政有未當與戡守之策有未備與恢復之志有未堅與
况公侯駙馬伯爵非不多也而感恩圖報不聞名左右中前
後五府非不衆也而獻忠效謀未見其人保傅皆重寄而爽
理亮之功未臻輔政總大臣而獻可替否之實未著掌銓衡
則賢否混雜司錢穀則國用空虛典邦禮則鬼神怨恫總兵
政則寇賊猖獗刑部或推讞昧於初情或理斷牽於成案工
部或軍器之造作未精或城垣之脩築未固都察院不嚴於
糾察而百僚無忌憚之心大理寺不精於審錄而五刑有輕
重之失通政司六科皆喉舌也叅政或未合乎公論陳言或
每出於私情錦衣衛各衛皆爪牙也偵察多冤濫於無辜尅
餉嘗貪婪而無厭太常寺光祿寺鴻臚寺太僕寺欽天監太
醫院等官徒有固祿保身之計全無憂君憂國之心薦舉則
假公營私而貪污之兢進議事則嫉賢妬能而意見之紛更
似此之失難以具陳伏望日臨便殿講求治道口體之奉不

豐耳目之娛。須儉練兵。選將親賢。遠奸仍籲禱。郊壇分告。陵寢以答。上天仁愛之意。疏入。下群臣修省。於是戶部尚書兼翰林院學士陳循。兵部尚書兼翰林院學士高穀。及部院司寺等官。俱引咎宥之。

城蕭縣

辛巳。尾刺行軍尚書虎察。犯大同。被擒。伏誅。

壬午。翰林院編修周弘謨。工十二事。察吏治。以示勸懲。興學校。以惇風化。慎科學。以求真才。止苛歛。以恤貧窮。均賦役。以甦凋瘵。糾武職。以足兵食。肅軍令。以止劫奪。謹防巡。以禦賊

寇。恤吏員。以廣仁惠。省虛費。以節民財。設方略。以遏橫暴。四夷民多盜。令行人劉澣。其土人深知險阻。請方言。乞同僉都御史李匡勦賊。下廷議。採之。

癸未。止石亨班師。

鉄嶺衛倉火燬糧九千六百餘石。

甲申。蠲山西鎮西衛屯租。

前國子監祭酒李時勉。卒。時勉名懋。以字行。安福人。永樂甲

申。進士。選庶吉士。預脩實錄。去起刑部主事。改翰林。侍讀。三殿

災。應詔言時政。未幾。被讒。下獄。永樂末。薦復秩。復言事。命武士撲之。金瑯傷肋。垂死。明日。改御史。又明日。下錦衣獄。宣

宗初宥之預脩兩朝實錄進侍讀學士正統戊午進學士已
進祭酒六年規條嚴肅恩意稠至年七十四致仕及聞北狩
痛憤上書卒年七十七少師楊士奇嘗曰時勉文學老成操
行脩潔節義足以表俗剛正足以任事量足以容物而志則
不可奪人以為確論至是諭祭謚文毅

丁亥保定伯梁瑄為平蠻將軍總兵官勦貴州苗初苗賊攻
圍平越等衛日久守卒逃者九千餘人食盡危困兵部謂靖
遠伯王驥老疾故勅瑄及都督同知方瑛克右副總兵都督
同知陳友克左叅將兵部左侍郎侯璉左都督毛福壽俱總

督軍務兵部署郎中王高調南京軍二萬益之召驥還

戊子大理寺右寺丞李茂錄因南京課吏安民

石亨汰兵萬五千人令都指揮田貴駐易州回京

辛卯免太原去年災租九萬七千四百一十餘石

苗賊攻江華永明縣

大同右叅將都督僉事許貴奏十三人來求和臣見舊歲七
月來北入寇人心驚皇田不得耕路不得運野不得牧戰
則敵衆我寡莫若腆幣款而徐計之兵部于謙議前非不
遣使都指揮季鐸指揮岳謙遣而隨寇入通政王復少卿趙

榮遣而不獲徵 太上信其狡焉侮我而斃我何似而可言和況一不共戴天仇也理故不可和萬一和而肆無厭之求從之坐斃不從生變勢亦不可和回劾貴介胄之臣而委靡退怯法當誅於是邊將人人主戰守不敢言款

癸巳禳旱分告知廟社稷山川長陵獻陵景陵

監察御史陳全言塞沙灣隄從之

免解州災租
丙申丁數萬白鴉見厓入廣武站分攻鴈門關都指揮李端禦卻之命總兵官石亨右副都御史朱鑑率兵夾擊

丁酉以三百餘騎焚石峪口關門責懷來都督范廣等不

援

給事中李侃御史朱瑄爭坐禮部胡濙謂 宣宗肯科道照品次坐從之

戊戌阜城縣丞魯俊為知縣

工部尚書石璞募兵太原立百長千長例賜冠帶

廣西羅城賊韋萬保攻融縣柳城賊侯公寒攻破古免高界等寨復攻滕縣殺指揮潘濟

己亥兵部以涿易保定真定通州宜蓋兵為京師蔽出營兵

二萬委都指揮同知石端都指揮僉事汪禮劉全署都指揮
僉事陳旺指揮使王信分戍寧遠伯任禮統之以五千人巡
守禮請老改都督同知劉安總兵官大理寺少卿曹泰為右
僉都御史叅贊軍務

辛丑起復四川按察僉事高澄督儲

免房山良鄉昌平武清涿固安徭役雜辦賑之

癸卯河南道監察御史程昊請復晚朝 上是之

還都督同知王通前所籍產

十數千騎突至大同總兵官定襄伯郭登出東門擊敗之倖

北誘其進入土城中伏擒七人斬四級登脩南門外戰場鑿

麗水賊朱必森復聚衆行劫殺縣丞許中和執通判鄭建於

是縣丞葉仁集民兵破之

鎮守福建都督僉事范雄等分勦沙縣賊斬六百六十擒百

少十招撫九千四百八十八

是月吏部左侍郎何文淵奏洪武初止設貴州思南思州宣

慰司管屬土民設都司鎮其地永樂十一年設貴州布按二

司及六府每營不過一二百戶官多民少差繁役重官更多

貪民財日困去歲苗叛殺害軍民今兵疲民困又遣將南征

恐生他變乞被賊燒燬衙門弗復起蓋司府大小官吏及從
征官軍俱各取回仍設宣慰司以都司鈐束軍衛遣一大將
鎮守命一大臣招撫候西北寇息另議兵部尚書于謙議貴
州雖僻在一隅我高皇帝開創於前文皇帝經營於後
迄今八十餘年法制已定比因邊將處置乖方南歸數出兵
疲於久戍民用於遠輸致各賊生發勞師遠征已及年餘城
池雖圍各官死守祖宗之土地人民豈宜輕棄宜行侍郎
侯璉總兵梁瑋等勘議務在處置合宜命大臣招撫上曰
不必遣官止令侯璉梁瑋整理

郭子章曰貴州之議失之文淵而得之忠肅非忠肅則西
南之區久為左衽矣

五朝辰朔工皇在漠北

太監尹鳳奉御鄭善往祭故朝鮮國王李禔封子珣朝鮮國
王

湖廣道監察御史丁澄為南京大理寺右寺丞

除完縣逃民雜稅

夜大星赤光自奎宿流外屏

乙巳免絳沁汾水文平遙潞城黎城高平今年夏稅十之七

秋糧十之四

賑保定饑

提督軍務右副都御史羅通以食匱班師

守備萬全右叅將右都督楊俊嘗私忿杖都指揮僉事陶忠

死昌平侯洪言臣子俊輕率必債事乞免官召至京下獄宥

之令從洪自贖

陝西行都司都指揮使任啟為都督僉事署司事

數千騎分道入犯河曲復犯義井屯堡盡殺其守卒及指

揮僉事劉定巡撫山西右副都御史朱鑑請分地策應河曲

保德岢嵐興嵐則偏頭關援之寧化靜樂忻定襄太原清源

交城文水則山西援之五臺繁峙崞縣則鴈門關援之石州

寧鄉則汾州及守禦千戶所協守

五萬騎圍代州官軍擊殺百餘人明日射死八十八人遂南

出四掠

貴州左副總兵都督僉事田禮率兵克隴峯關進攻甕城河

斬賊三十餘人解新添之圍又敗之合溪鋪斬七十八級長

驅至平越衛賊解圍走

都指揮僉事魏忠為左叅將守河上署都指揮僉事顏彪為

都指揮僉事右叅將守十八盤蔚州左衛指揮使改昇為都
指揮僉事隆慶衛指揮僉事吳得署都指揮僉事守備白羊
口
遣視保定河間廣平河南彰德旱災
戊申營鳳門閣議護陵京

己酉雲南按察僉事李權為布政司右叅政署廣南府事廣
南鄰交趾時仇殺特命權綏之

增大原平陽通判澤潞遼沁汾州判官各一專督民兵
河南道監察御史謝琚言近日百官詣闕謝過朝天宮行香
設醮俱文具宜上下更相脩省工是之

庚戌起復臨安知府徐文振

蠲湖廣偏橋衛屯租

辛亥丁自倒馬關入寇宣府總兵官左都督朱謙等追之次
關子口數千騎突至為鹿角所拒我砲擊之少卻已合圍明
日又戰喪百四十人都督江福援之不利

青田人張俊傑殺賊魁王敬叅等百十餘人擒數人

南京太常寺少卿鄭雍言卒雍言鄞人永樂進士選庶

吉士授中書舍人轉行人司副仁宗監國應制詩文大善

之宣德間直內府領河南按察司僉事進太常謙和工篆書
文思豐贍

壬子通事達官千戶馬雲馬青先使瓦刺許也先女樂結親
又謂節戒賞賜出指揮吳良兵部請罪之下錦衣獄

癸丑贛州通判鄭暹為知府

上攻威遠衛游擊將軍都指揮石彪擊敗之斬四級

廣州盜黃蕭養平賊攻廣州城數月左副總兵都督董興討

之天文生馮軾從中夜荒雞鳴曰此何祥也軾曰將軍其信

賞罰立號飭伍經清遠峽白魚人舟曰賊行授首矣蕭養列

千艘河南勢張甚軾曰兵貴神速急掩之猶摧朽耳已大星

墜南岬軾曰賊不四旬矣至是戰大洲蕭養中深穴死函首

梟京師其黨偽慶國公曾賢等百餘人俱伏誅

陳建曰枯竹生枝而屯蕭養之亂大星夜墜而屯蕭養之

亡然則盜賊亦關天象豈偶然耶

曰漢人有言天下之患在土崩不在瓦解而亦知

夫瓦解者土崩之漸也履霜堅冰至可畏哉夫智詔愚豪

驅貧強使弱馮山嘯峒之雄揭竿持籌之警何國幾有第

先王馭之有道常予愚民以生全之樂而時寬豪民以使

過之科故其人兩不相附而亂無由起即有之可朝發而夕擒能為亂而不能為大禍後世嚴刑橫征以賦其民使驍雄桀黠之夫得轉以煽動天下陳勝亡秦張角亡漢劉淵安祿山亡晉唐我國家中外相維最稱乂安然二百年間邊庭肘腋盜數竊發二正之世尤甚焉始成於有所激而卒賴宗社之靈不旋踵而撲滅也假令土木之變閩虔未平峒賊方構宸濠中起此皆時事之不幾者也殷鑒不遠故傳其事以備衣襦之戒云

乙卯進士王芳為吏科給事中

吏科給事中翟敬等言昨者上警民逃遺物多竊取及事平擬盜豈不傷和乞自去年十月至今今年正月因盜諒從寬戒

上從之

令衛處金華各縣立城

置居庸關公館

丁巳大河衛軍餘

求從征不允遂射書皇城命斫楊於

市

昏刻月與木星同度

戊午保定府照磨吳宗慶為清苑知縣

召鎮守遼東太監易信還京羽林前衛指揮使李縉為貴州
都指揮僉事特建州衛都督李滿住董山等通瓦剌都督刺
塔散兵劫掠兵部于謙謂信縉其姻也恐泄事故遠之

夜月犯南斗魁

己未苗賊殺武岡知州蘇志署都指揮僉事畢通等擊賊斬

三十五級

庚申南京禮部尚書王英卒英字時彥金谿人永樂甲申進
士選庶吉士丁亥進修撰秩滿進侍講從北征有勞仁宗
初進侍講學士尋進右春坊大學士宣宗初脩兩朝實錄

進少詹事夏去奪情實錄成進禮部左侍郎仍兼侍講學士
正統戊辰進尚書屢主禮闈多得名士文格豐贍工草書性
跌宕不拘小節有晉人風度賜祭葬謚文忠

陳敬宗曰撫州多名儒顯官若宋之晁殊王安國元之
吳澄虞伯生諸君子其文章名位功業皆炳然當世而
耀竹帛者豈偶然哉亦撫之人也其文章名位功業莫
不相似然自入仕歷官通顯不離朝廷四十五年而列
聖眷過久益不衰於此則似過之矣天之生賢私於撫之
人哉抑孰知公之才德自足致身於青雲之上也

都督僉事趙倫同豐城侯李賢守備南京領中軍都督府事
張懋嗣英國公張輔庶子其家子忠疾廢

辛酉浙江按察副使薛林陶成擊賊死之成字孔思

士授交趾典史改鳳山嘗攝諒江教授事進交趾按察

司檢校憂去起補山東薦歷大理寺評事遷浙江按察使僉

事值處州盜起成守蘭溪殺賊數百人進副使尋進屯武義

武義故無城柵木而已大盜陶得二以緝束薪先匿入柵中

而自率衆外攻成與都指揮崔源出戰未決內賊燒柵我軍

潰成遇害贈浙江布政司左叅政諭祭廕子魯新會縣丞

談遷曰自括蒼寇起叅議耿定僉事王晟先敗沒等死耳

陶叅議獨有生氣則向所籌畫足弭亂而馴其暴也古人

處死有泰山鴻毛之喻誠不可概論矣

壬戌縣丞葉仁陶權貴為衛經歷

都督僉事江福守備萬全右衛

甲子起復平山知縣張璟

丙寅前軍都督僉事張輓為右都督提督三千營

總督軍務兵部左侍郎侯璉為尚書右副總兵都督僉事田

禮叅將都督同知方瑛俱為右督都初貴州新添平越之圍

璉調署都指揮鄭儒攻都盧等寨宣慰使安隴富勒山西賊
俱敗之斬百四十餘級溺三百餘人又雲南兵至通畢節等
路夾攻斬七十餘級賊復據紫塘等寨璉破之遂克彌勒南
窩等十餘寨阿降蒙等五寨賊復圍平越擊退之遂分哨解
其圍仍哨清平至重安江會靖遠伯王驥自是興隆抵鎮遠
之路皆通

丁卯大理寺右少卿陳詢巡撫畿內

署都指揮同知王良為署都督僉事都指揮同知翁信鎮守
鳳門關

戊辰召羅綺復大理寺右寺丞

己巳免保定去年灾租三萬六千五十四石

辛未初，尚阿刺知院以可汗脫、不花之命遣參政完者

脫歡貢馬請和至懷來使太常寺少卿許彬錦衣衛指揮同

知馬政往察其情偽時可汗兵最少阿刺兵又獨也先強衆

不與立外親內忌完者脫歡言講和還 駕非特阿刺意諸

部皆然如疑我請留我為質奏至召閣臣陳循等議於文華

殿諭仇不共何和為循等請勅諭阿刺并資使者緩其奸

謀仍嚴京營邊關之備勅阿刺曰也先譎詐今爾使至請和

間也先兵尚在邊必盡出塞乃可和不然一不難戰也
夜大星青白光自北落師門深近濁
是朔南京大雨水滄糧芻竹木

律